



1788

6x. 3





„Droschak“

ORGANE

de la Fédération

Révolut. Arménienne.

ԴՐՕՇԱԿ

Adresse:

RÉDACTION DU JOURNAL

„Droschak“

GENÈVE (Suisse)

„ՀԱՅ ՅԵՂԱՓՈԽԱԿԱՆ ԴԱՋՆԱԿՑՈՒԹԵԱՆ“ ՕՐԳԱՆ

ՅԻՇԱՏԱԿԵԼԻ ԹԻՒԿԱՆ

(1904-1905)

Հայ Յեղ. Դաշնակցութեան 15-րդ տարեգործն է: Տասնութինգ տարի է անցել այն օրերից, երբ թիւրքա՝ Տայոց ազատութեան դատը հրացանների որոտումների մէջ իր առաջին քայլերն էր անում: Որքա՞ն տարբեր էին նրանք ներկայ օրերից... Մի անխռով լաւատեսութիւն էր տիրում հայկական շրջաններում. յոյսերը վարդապոյն, սրտերը զարթ, յաղթանակը մօտ... Թւում էր, թէ ահա մի քանի կռիւներ, մի քանի շառաչակի նահատակութիւններ տեղի կ'ունենան, և չարատանջ խնդիրը կը լուծւի...

Դառն, ցաւաքին հիասթափութիւններ ունեցել են բոլոր ազգերը իրենց ազատագրական ճիգերի մէջ, — մենք բացառութիւն չկազմեցինք օրէնքից: Մեր հիասթափութիւնը աւելի խոր եղաւ, աւելի յարատեւ. մեր թշնամին՝ աւելի վայրագ, մեր մարտիրոսութիւնը՝ աւելի ցնցող: Ոչ անբաւ արիւնք, որով ներկեցին Հայաստանի լեռներն ու ձորերը, ոչ հերոսանահատակների փառահեղ բոյլքն ու կռիւների անվերջանալի շարքը՝ Հասցրին մեզ բաղձալի վախճանին, — և տասնութինգ տարւայ անդուր փոթորկոտ գործունէութիւնից յետոյ, այսօր մենք տեսնում ենք, որ դեռ պէտք է քայլել, թերեւ շատ քայլել...

Նախորդ տարւայ փորձութիւնները մի անգամ ևս չեղտեցին մեր առջև այդ անողոր անհրաժեշտութիւնը: Յեղափոխական տեսակէտից մի հզակի թւական էր այն լի յոյկերով ու յոյսերով: Երբէք հայի ռազմական կորուրդ այնքան մեծ չափերով չէր արտայայտւել իր խորութեամբ, թէ տարածութեամբ: Երբէք Մեծ-Հայքը — դարերով տրորւած մի ստրուկ ու զազիր գոյութեան ծոցում — վկայ չէր եղել այնքան ուժգին ըմբոստացումների, այնքան յանդուգն, — դիւանագէտի լեզուով իսկ հաշակած — ճակատամարտերի: Դաշնակցութիւնը անօրինակ ճիգեր թափեց՝ կռուող ժողովուրդին զէնք ու դրամ հայթայթելու համար. նա իր ուժերի մեծ մասը տւեց թէ երկրի մէջ, թէ արտասահմանում, եւրոպական դիպլոմատիայի առաջ, — և այս անգամ ևս նրա յոյսերը չ'արգարացան... Նրա դիմաց, ըստ առաջնոյն, ցցւեցին ապառաժի պէս հայ քաղաքական կեանքի երկու անողոր գործօնները — թիւրք կառավարութիւնը իր սովորական ճնշումներով, և դիւանագի-

տութիւնը, մանաւանդ ռուսականը, իր ցինիկ անտարբերութեամբ...

Սոսկալի իրականութիւն, անտարակոյս:

Եւ այդ ցաւոտ իրականութեանը ամէնից շատ գիտակից են նրանք, որոնք ամէն օր ու ամէն վայրկեան ապրում են ժողովուրդի հետ, բաժանում են նրա վշտերը: Մի կազմակերպութիւն, որ ձգտումն ունի ժողովրդական դատը վարելու՝ ինքն իր մահաւան դատաւճիռը կ'արձակէր, եթէ առաջ տարւէր լոկ յեղափոխական յափշտակութեամբ, առանց գիտակցելու դրութեան պահանջները, առանց յարմարելու այդ պահանջներին:

Ի՞նչ անել, ահա այն հարցը, որ նորից հնչում է թերահաւատների շրջանում: Կասալիք լինել ձեռք քաշել կռւի ապարդիւց, թողնելով ժողովուրդը իր ճակատագրին... Կա մի ելք է, հաճելի նրանց, որոնք սիրում են վճռել կնճռոտ, կենսական խնդիրները ժողովուրդից հեռու, նրա կեանքին անտեղեկ: Բայց դա մի ելք է, որ յեղափոխականի աչքում հաւասար է դաւաճանութեան: Յեղափոխական կազմակերպութիւնը կա՞րող է ինքզինքը աննկ յայտարարել հանդիսաւոր կերպով ժխտել այն պայմանները, որոնք իրան ծնունդ են տւել և որոնք յարատեւում են, տարաբախտաբար, միշտ աւելի ու աւելի ծանրանալով: Այդ պայմաններն են՝ հազար անգամ կրկնւած ու դարձեալ կրկնելի իրողութիւնները — հայի հինաւուրց և ամենօրեայ ճգնաժամը, նրա ոչ միայն բարօրութեան, այլ և ֆիզիքական գոյութեան սպառնացող, ամբողջ աշխարհին յայտնի՝ սիստեմատիքական բնաջնջման վտանգը, որ առաջ է տարւում թշնամու կողմից մի սարսափեցնող վճռականութեամբ: Կա մի սոսկ ֆրազ չէ, ագիտացիական միտումներով չեղտած, այլ մի ահաւոր իրողութիւն, որ ամէն օր պերճախօս փաստերով հաւաստում են մեզ թիւրքահայաստանի մեր ընկերները:

„Լաւ իմանալով, որ դիմագրութեան չափի հանդիպէ, կառավարութիւնը եռանդով վերսկսում է իր ճնշումները. կառավարութեան վրայ զօրքը կողոպուտի արշաւանք կազմեց, համարձակ, անվախ, վստահ լինելով, որ հայգուկի գնդակները չափի ճարակեն նրա շարքերը“ — այսպէս է գրում իր վերջին նամակում վասպուրականի մեր թղթակիցը: Կարդացէ՛ք նաև „Դրօշակի“ ներկայ համարում զետեղւած մեր նախկին բանտարկեալ ընկերոջ նամակը, ուր դառն շեշտերով նկարագրւում է

Փորը-Հայրենի կատարեող հայկական ամենօրեայ ողբերգութիւնը...

Այո, և այդ յարատե քնաջնջման կոշտին է, որ արտագրում է հայի հայրենիքում հարկերաւոր ըմբոստներ, ճշմարիտ յեղափոխականների շարքեր, որոնք հրապարակ են նետում կուսակցական տենչով, եռում են կատաղութամբ և ցուրտ գերեզմանի մէջ են միայն գտնում իրենց անդորրութիւնը... Հրայրներն ու վահաններն են, որ ժողովրդի արգանդից ծնւելով, իբրեւ նրա ցասման արտայայտիչներ, մշտնջենապէս խռովում են միջնորդութեան, ինքնապաշտպանութեան և ինքնապաշտպանութեան խրոխտ քարոզով հաւաք են կանչում, զէնք են ազդակում: Եւ ինչ է յեղափոխական կազմակերպութեան դերը ամբողջ տասնութհինգ տարւայ ընթացքում, եթէ ոչ ձգտումն՝ գէթ մասամբ գոհացնելու այդ բնական պահանջը, եթէ ոչ ձգտումն՝ զինելու ժողովրդին և կարելիին չափ մաքառելու տիրող արհաւիրքների դէմ:

Ոչ, — մենք չենք, որ պիտի յուսահատենք: Տասնութհինգ տարւայ գոռ փոթորիկներից ու հսկայական զոհողութիւններից յետոյ չէ, որ մենք մեր սուրբ պիտի դնենք պատեանում և ներկայ խորհրդաւոր պատմական օրերում չէ, որ պիտի մատենենք անարգ յոռետեսութեան...

Կուրք ճաշակահայաստանում կարող է փոփոխւել իր ձևերի մէջ, բայց երբեք ընդհատւել: Եթէ Լւերդան իսպառ անընդունակ է յայտնում «պահանջներ հայ ազգաբնակչութիւնը քրդերից ու չեքէզներից», — ապա հայ յեղափոխականների վրայ է ընկնում այդ դժարին, բայց և սրբազան պարտականութիւնը: Վործող մարմինը կը շարունակէ արծարծել ամենուրեք թիւրքահայերի դատը, կոչ անել ամբողջ հայութեան, աճեցնել իր նիւթական ու բարոյական ուժերը, հաւաքել իր զրօշակի տակ բոլոր զգայուն, ըմբոստ տարրերը և ուղղել նրանց դէպի թիւրքահայ ժողովրդի ինքնապաշտպանութեան ու ազատութեան գործը:

*

Տրամադրութիւնը բարձր էր Ռուսահայաստանում և նկեղեցական կաշառների գրաւման առթիւ սկսած շարժումը առաջ գնաց այնտեղ դաւադրութիւնների ու տէնտրական փորձերի ձևով: «Դաշնակցութիւնը» գործեց մի շարք քաղաքական սպանութիւններ, որոնք ստիպողական պահանջ էին դարձել և կազդուրիչ ապաւորութիւն գործեցին վրէժխնդրութեամբ այրող ժողովրդի վրայ: Խոշոր դաշինքներից՝ Անդրէեփ, Բոգոսլավսկի և Բըկով ընկան տէնտրիստի հարաւորների տակ և բազմաթիւ այլ պաշտօնեաներ — ոստիկանապետներ, պրիստաւներ և շանթահարւեցին հայոց գաւառներում: Սարսափը կատարեալ է կառավարչական շրջանների մէջ, տեղ-տեղ բիւրօկրատիան *de facto* անդամալուծւում է, չէզոքանում և ոչ միայն ահով ու պատկառանքով է նայում «Դաշնակցութեան» աներեւոյթ կոմիտէների վրայ, այլև նրանց ձեռքն է յանձնում շրջանի ղեկը: Մեծ է «կոմիտէի»

հմայքը ամէն տեղ, և նա աւելի ու աւելի է աճում միապետութեան ճգնաժամի ու ընդհանուր Ռուսաստանի յեղափոխական խմորման հետ:

Հ. Յ. Դաշնակցութեան երրորդ ընդհանուր ժողովը, որ տեղի ունեցաւ անցեալ տարւայ սկզբում, ներառեց Վովկասում արծարծւած կուրք մէկ որոշումով, որով նա պաշտօնապէս ստանձնում էր այդ կուրք վարելու դերը: Ընդհանուր ժողովը այդ և ուրիշ որոշումներով կամեցաւ շեշտել, որ Ռուսահայոց շարժումը պատահական ու վաղանցուկ մի երևոյթ չէ, այլ ընդհանուր, հակապետական շարժումների հետ կապւած մի օրգանական իրողութիւն, որ ունի իր խոր, սեւական պատճառները և որի համար յունիսի 12-ի կայսերական ուկազը սոսկ շարժառիթ էր: Ուստի և կազմակերպութիւնը հարկ համարեց իր Բարձրագոյն մարմին բերանով համար աշխարհի կուրք քարոզ կարող Վովկասում գործող ուրիշ կազմակերպութիւնների հետ, որոնք թէև տարբեր իրենց ծրագրերով, բայց բոլորն էլ նպատակ ունեն կուրք մղել տիրող ռեժիմի դէմ:

Այդ նոյն նկատումով էր ղեկավարւում «Դաշնակցութիւնը», երբ արձագանք տւեց ֆինլանդացի յեղափոխականների կոչին և մասնակցեց Պարիզում գումարւած Ռուսաստանի այլևայլ մարտական կազմակերպութիւնների խորհրդաժողովին, մշակելու համար համերաշխ գործակցութեան մի նախագիծ: Դա մի անցք էր Ռուսաստանի ստրուկ ազգերի տարեգրութեան մէջ և մի խոշոր քայլ դէպի առաջ: Յեղափոխական կուսակցութիւնները դաշն էին կռում հէնց այն ժամանակ, երբ թշնամին անասելի շփոթութեան մէջ յետ ու յետ էր մղւում ներքին ու արտաքին հարաւորներից:

Որքան աւելի է զարգանում Դաշնակցութեան Վրէլքի գրաման, այնքան աւելի է սաստկանում ներքին տագնապը, այնքան աւելի են իրարու մօտենում յեղափոխական ուժերը, այնքան աւելի յուսալի է դառնում ապագան...

Չւարթ օրեր են... Մայրաքաղաքներն ու գաւառները, «Մայր-Ռուսաստանն» ու հեռաւոր Դաշնակցութեան շարունակ ծփում են ալէկոծութեան մէջ: Ռեակցիայի դաժանագէտներ կայացուցիչները սկսում են արդէն փախուստ տալ որոտացող յեղափոխութեան ալիքների առաջ: Դա ժամանակի նշանակն է: Եւ դա հաստատուն գրաւականն է բռնապետութեան մօտալուտ անկման, այն անանուն բռնապետութեան՝ որը մի տեսակ տիեզերական Բաստիլ է դարձել ազատատենչ ժողովուրդների համար և որը իր բոլոր ահարկու թափով ծանրացած է նաև բազմատանջ հայութեան ճակատագրի վրայ: Անդրկովկասում, թէ ճաշկաստանում:

ՅԵՂԱՓՈԽԱԿԱՆ ՇԱՐԺՈՒՄԸ ՌՈՒՍԱՍՏԱՆՈՒՄ

ԵՐԿՈՒՆՔԻ ՍԿԻԶԻԸ

Արիւն Պետերբուրգի փողոցներում, բոլոր Չմեռային պալատի դիմաց, ընդհարում՝ զօրքի և ժողովրդի միջև, ցասման կոչ տանջած շրթունքներից:

Կորչի՛ միապետութիւնը:

Ապառնական այդ կոչը, որ դեռ երէկ հնչում էր Լեհաստան, Ֆինլանդիա, Կովկաս, հուժկու աղմուկով անցաւ դէպի կենտրոնը, ուր նա լուռութեան էր մատնւած, խտացաւ բազմատանջ ուռւ աւրոխի կրծքի մէջ և պայթեց բռնապետութեան տաճարի դիմաց, որ Չ մ ե ո ա յ ի ն պ ա լ ա տ անունն է կրում: Կարեւոր արձանը մահաշունչ ցարիզով:

Արձանը գեռ կանգուն է, բայց ինքը ցարը՝ տկարամիտ Նիկոլան, մատնւած անյայտութեան: Վասիլի վսկի-Օստրովից եկած առաջին ձայնը սարսափ տարածեց օգոստոս-փառ քաջերի վրայ: Ցարը փախաւ մայրաքաղաքից և ապաստանեց Ցարսկոյէ-Սելո: Թագաւորի «հօր» և ժողովրդի միջև կանգնեց դարեւոր պատնէշը՝ անխիղճ և անբան զօրքը՝ սուրը պատանից հանած, պատրաստ յարձակելու եղբայր-ժողովրդի վրայ:

«Հայր, լսիր մեր աղերսը»...

Խոնարհ, որդեկան հեղուկեամբ խմորւած այս խօսքերով սկսեց իր բողոքը, այս անգամ՝ փարաջաւորի զեկաւարութեան տակ, մայրաքաղաքի բանւորութիւնը, որ մի փափագ միայն ունէր — տեսնել ցարի երեսը, մի նպատակ միայն — նրան յայտնել իր անհուն վշտերն ու անբաւ ցաւերը: Բայց մի՞թէ ցարի երեսը՝ արհամարիւի, իրաւազուրկ ամբոխի համար է օժւած և կամ մի՞թէ գռեհիկ բանւորութեան կեղտոտ ոտքերի համար են գեղազարդւած պալատի սանդուխքները, որոնցով այդ ամբոխը դէպի գահը բարձրանալու յանգուզն իղձն ունի...

Ո՛չ և ո՛չ, գոչեց նորին մեծութեան հաւաքական բերանը, և կ ա Ր Գ ա պ ա հ ու թ ե ա ն վեհագոյն օրէնքը դարձեալ մի անգամ անսանձօրէն գլուխ բարձրացրեց արքայանիստ քաղաքի փողոցներում, — դիակներ, աւելի քան երկու հազար, արիւն և արտասուք, նոյնքան առատ, որքան սուինն ու մտրակը. աղելարչ տեսարաններ, արժանի Համիդեան անարգ անւան...

Արիւն, բայց ոչ նահանջումն, արտասուք, բայց ոչ յուսահատութիւն: Ի՛նչ արեան ու արտասուքի միջից՝ շարունակում է հնչել մարտի գոչը, յեղափոխական գոռ հրաւերը, որ փրփրած ալիքների նման գնում, տարածւում է հեռու և հեռու: Ընկած շարքերին՝ յաջորդում են նորերը: Շրջականներից բանւորական և գեղջկական զինւած խմբեր են դիմում մայրաքաղաք: Ցարը հին

թագստից դէպի նորն է ապաւինում: Մայր-թագուհին՝ մշտական սիրուհին բոլոր արկածախնդիրների, մի պալատից միւսն է փախչում: Պօքեթօսոցեւը «հիւանդ»՝ անկողին է մտել: Մինիստրները «տանը չեն», և սարսափը դարձել է համատարած, ամենազօր թագաւորը ծակամուտ թագաւորողների...

Սարսափի շանթը այլևս արտասահման ապաստանած աքսորականներից չէ գալիս և ոչ էլ համալսարանական երիտասարդութիւնից միայն: Համաժողովրդական է նա: Բանւորականութիւն, Գապօնի, Տուրքմենի, զէմստփո, այլևայլ ազգեր, ազատամիտ բանակ, սօցիալիստական շրջաններ — բոլորն էլ միացած են դժգոհութեան և զլւանքի շաղկապով, ուղղած գահին, ցարիզմին, յանուն մեծագործ յեղափոխութեան:

Երկունքի սկիզբն է այս:

«Նորածինը» արիւն է պահանջում:

Մի՛ երկնչիր արիւնից, ուռւ ժողովուրդ, տանջանքի և լուռութեան դարեւոր հերոս:

Լե գու, Ֆինլանդիա, օրինականութեան չգնահատած երկիր, թափ տուր քեզանից հեղութեան փոշին և ձեռք առ մարտական սուրը:

Իսկ դու Լեհաստան, յեղափոխութեան խնկելի որրան, հաւատարիմ՝ քո անցեալ մեծութեան, առաջ անցիր. սիրտ առ և սիրտ տուր: Քո օրինակին շատերն են կարօտ:

Լե դու Կովկաս, երկիր ազգերի և ազանց, մոռացիր պառակտման օրերը և ռազմիկի ուժով՝ ըմբոստութեան նոր կոչ արձակիր:

Թող կորչի՛ ցարիզը:

Ահա հնչում է որոտը յեղափոխական շեփորի: Ականջ դրէք, դուք, ցարի անբախտ հպատակներ, և գնացէք այդ կոչի յետեից վստահ, լի հաւատով, մարտական հրակով բռնկւած:

Յեղափոխութեան սօնն է այսօր:

Պետերբուրգից և Ռուսաստանի այլ քաղաքներից հեռագիրը ամէն ժամ տարածում է յուզիչ լուրեր: Յեղափոխական շարժումը՝ ընդլայնւում է քայլ առ քայլ: Ցոյցեր և ընդհարումներ, բացի մայրաքաղաքից, արդէն սկսել են Մոսկվա, Կիեւ, Օդեսա, Կիշինեւ, Վիլնա: — Ֆինլանդիան ապստամբական վիճակի մէջ է: Լեհաստանը շարժւում է: Լուր կայ, որ Բաղէի բանւորական ցոյցը վերսկսած է, քաղաքական դոյնի տակ: Ամբողջ Արևմտեան Եւրոպան բռնկւած է ցարիզմի խնդրով: Քրանսիա, Իտալիա, Միացեալ Նահանգներում և այլ տեղեր բողոքներ են սկսւած ցարի դիւտարների դազանային արարքների դէմ: Կազմակերպւում են բողոքի և համակրութեան միտինգներ: Սօցիալիստ մասուլը հրաւեր է կարգւում քաղաքակիրթ Եւրոպային՝ աջակցել նորաբոյս յեղափոխութեան:

«Դրօշակի» ներկայ համարից ամմիշապէս յետոյ՝ լոյս կը տեսնեն փոքրիկ «Յաւելւածներ», ներկած ուսական շարժման և օրւայ դէպքերին:

„ԳԱՐՈՒՆՆ“ ԱՆՅԱԼ

Մոսկվա, 20 դեկտեմբերի

Նեվայի ավերումը դեպքերը յաջորդում են իրար գերբնական արագությամբ — սահմանադրութեան երազ և դեկտեմբեր 25-ի մանիֆէստը. մամուլի ազատութեան լուրեր և Պօբեդոնոսցեվի ուղերձը, Միրսկու գերիշխանութիւնը և զեմստվոններին ուղղած բարձրագոյն յանդիմանութիւնը, «գարնանաբեր» միսիստրի հրաժարականի ձայնը և Վիտտէի վերադարձը...

Գարձեալ յուսախաբութիւն, գարձեալ հին երգեր ուսու ժողովրդի ան պատշաճ տուութեան մասին, որ այսքան տարի և այսքան տասնեակ տարիներ յետ մղեց ընթերցանների նւազագոյն ծրագիրները, այդ աննշան յոյսը՝ համբերատար ժողովրդի...

«Գարունը» անցաւ։ Նոյնիսկ այն չափաւոր, կցկտուր, արմատական ընդլիկ զուրկ ծրագիրը, որի մեծագործ աւետարները եղաւ Սվետոպոլկ-Միրսկին, համարեց վաղաժամայ, վտանգաբեր, ենթարկեց պալատական կուսակցութեան անէծքին, մեծ-իշխանների կրակոտ զատապարտութեան և մինչև իսկ լուսկեաց Նիկոլայ 11-ի բարձրագոյն հաճութեան. նա ուրեմն պիտի գնայ, կամ գուցէ արդէն գնացել է իր վաղանցուկ յոյսերը ողբալու պետական դիւանատան այն անթափանց դիւանատնում, ուր այսքան հանգստորէն պառկած են Լօրիս-Մէլիքովի «սահմանադրութիւնը» և Միլիտինի «զեկուցագիրը»։

Խեղճ զեմստվոններ, գրաքննութեան ճանկերում հիւժւած խեղճ մամուլ։ Պատանեկան որպիսի բերկրանքով աւետեցին նրանք «գարնան» կենդանարար հովերը, որոնք պիտի յաջորդէին քաղաքական խստաշունչ ձմրան, և որքան սպասելիքներ տարածեցին նրանք ահագին պետութեան բոլոր անկիւններում, այն բորբոսնած խաւերում, որոնք միապետութեան տենչացած «հաւատարիմ հպատակներին» աշխարհն են կազմում։ Հսկայական այդ պատրանքը, քաղաքական այդ մեծագոյն յուսախաբութիւնը՝ անկասկած, վերին աստիճանի ողբերգական, թող խրատ լինի, մի նոր դաս նրանց համար, որոնք չխրատւած պատմութեան անթիւ և անհամար փորձերից, տրամադրեցան կարծիքով, որ Աւետեաց երկիրը 2 մերային պալատի մէջն է, և ժողովրդական փրկութիւնը՝ միապետի գրէի ծայրին...

Միապետը զիջանել չէ ուզում։ Նոյնիսկ Պօրտ-Արտիւրի անկման հանդէպ՝ պալատական օլիգարխիան շարունակում է իր անողորմ կռիւը «գարնան հովերին»։ Եւ եթէ «րոպէն» շատ երկիւղալի չլինէր, Միրսկուն կը յաջորդէր ոչ թէ Վիտտէ, որ սպանւած և հրաժարւած միսիստրների շարքում միջին տեղն է բռնում, այլ մի ուրիշը Պօբեդոնոսցեվի դպրոցից, Ալէքսեեւի, Վոկոպցեւի, Մուրավիովի, իբրեւ հաւատարիմ շարունակող Պլէվէեան աւանդութիւնների...

Հնարագէտ Վիտտէ, նախկին ղեկավարը բոլոր գործերի, երեւի կը շարունակէ խաբ տալ հասարակաց կարծիքին, կը փորձէ վերադարձնել Ռուսաստանը Լօրիս-Մէլիքովի օրերին, 80-ական թւականներին, որ Ալէքսանդր III-ի ամպամած թագաւորութեան հանդէպ լուսաւոր կէտ նկատելու արտաքին բոլոր նշաններն ունի։

Սակայն այդ 25 տարի առաջ էր։ Քառորդ դարւայ կեանքը նոր պահանջներ յարուցեց, նրբացրեց Ռուսաստանը կազմող բոլոր ժողովուրդների քաղաքական ճա-

շակն ու արտոժակը, լայնացրեց այն ծրագիրները, որոնք արդի յեղափոխական-դիմադրական տարրերի հաւատոյ հանգանակն են կազմում, նրանց գոհացման միակ պայմանը։

Անցաւ զաւեշտական, շինծու, խաբուսիկ «գարունը»։ Եւ այժմ պիտի գայ իսկականը, նա, որի գալուստը յայտարարւում է փոթորիկներով, կայծակ ու որոտով, ամպերի ահազողորդ գոռոցով։ Մինչև այժմ լսածները այդ գոռոցի նախանշաններն են միայն. — դեռ անհրաժեշտ են նոր Սազոնովներ, գործադուլների նորանոր շարքեր, աւելի ուժգին Պօրտ-Արտիւրներ, քաղաքական ըմբոստացման միահամուռ մի պայթիւն. գրոհ պալատի դէմ, գուցէ և մի ողբերգութիւն գահի շուրջը...

ՇԱՐԺՈՒՄՆԵՐ ԼԵՀԱՍՏԱՆՈՒՄ

Լեհական ոստիալիստ կուսակցութեան օրդան «Przedswit»-ի խմբագրութիւնը ուղարկել է մեզ հետեւեալ տեղեկագիրը՝

Լեհաստանի վերջին անցքերի մասին։

Կրակով, 25 դեկտեմբեր

«Այն շարժում սրանից առաջ կառավարութիւնը շարժման մէջ դրեց պահեստի զինւորներին (ընդլիկստ) ուսական Լեհաստանի մէկ մասում, — 19 շրջաններում (ընդամենը 81 շրջան է)։ Սօց. կուսակցութեան դիմագրութիւնը և պահեստի զինւորների խմբովին փախչելը՝ չկարողացան արգելք լինել կառավարութեան այդ քայլին, այն պատճառով՝ որ զօրաշարժի հրամանը կատարեց իր հրատարակումից անմիջապէս յետոյ և ժամանակ չեղաւ կազմակերպելու դիմադրութիւնը։ Բեզբր-վիսանների թիւը 110,000 է, որոնցից առնազը 1/10-ը աջողեցին փախուստ տալ։ Մօտ 40,000 հոգի հաւաքեցին դրօշակի տակ։

«Մինչև օրս նոր զօրաշարժ չ'եղաւ, այնպէս որ արդիւնաբերական մեծ կենտրոնները, ինչպէս Վարշաւա, Լօդձ, մնում են տակաւին անձեռնմխելի. բայց կառավարութիւնը արդէն պատրաստութիւններ է տեսնում արշաւելու հարաւային Լեհաստանի մի քանի նահանգների վրայ։

«Այս նոր պատուհասի հանդէպ՝ Լեհ Սօց. կուսակցութիւնը որոշեց ընդունել մի նոր տաքտիկ։ Նա հրահանգում է ազգաբնակչութեանը՝ կրաւորական, բայց և վճռական դիմադրութիւն ցոյց տալ իշխանութիւններին։ Այդ մտքով հրատարակւած մի պրօկլամասիօն տարածեց 30,000 օրինակներով։ Քանի որ, ինչպէս փորձը ցոյց է տւել, զօրաշարժը կատարւում է մեծ անկարգութեան մէջ, ուստի թույլատրելու ապականւած զինւորական վարչութիւնը հազիւ թէ կարողանայ գործ տեսնել և այդպիսով զօրաշարժը կը դառնայ անհնարին։

«Հակամիլիտարիստական այդ շարժումը ուժեղացնելու համար՝ կուսակցութիւնը ցոյցեր է կազմակերպում փողոցներում։

«Այդպիսի մի ցոյց կատարեց, նոյեմբերի 12-ին, Բատ-րօվիցա կոչւող արդիւնաբերական կենտրոնում։ Ժամը 6-ին, գործարանները փակեցուց յետոյ, մօտ 100 հոգի կազմեցին թափօր և պարզեցին կարմիր դրօշը, հետեւեալ մակագրութեամբ. «Կորչի՛ զօրաշարժը», «կեցցէ՛ Սօցիալիստ կուսակցութիւնը»։ Ապա թափօրը շրջեց փողոցները, երգելով Լեհական բանւորական հիմնը՝ «Կարմիր

Դրօշակ՝: Յոյցը տեւեց 20 րոպէ. ոստիկանութիւնը թագնւում էր. ոչ ոք չձերբակալեց: Նոյն ամսի 24-ին տեղի ունեցաւ մի երկրորդ ցոյց, որին մասնակցում էին 500 հոգի. այդ ցոյցը տեւեց կէս ժամ: Ոստիկանութիւնը դարձեալ զգուշութեամբ թագ կացաւ. միայն մէկ ոստիկան փորձեց խլել դրօշակը, բայց նրան էլ քշեցին բռունցքի հարւածներով: Նման ցոյցեր կազմակերպւեցին մօտակա քաղաքներում: Ս մ է լ օ վ ու մ կօրտէժը կազմեց 400 մարդուց: Մի ոստիկան անզգուշութիւն ունեցաւ ատրճանակ արձակելու ցուցարարների վրայ. ամբողջ ընկաւ նրա ետեւից, քարերի հարւածներով քանդեց նրա տունը և պատուհանից մի քանի տասնեակ անգամ որոտացրեց ատրճանակներ:

Մի ուրիշ ցոյց աւելի լայն ծաւալով, մի քանի հազար հոգու մասնակցութեամբ, տեղի ունեցաւ Նահանգական Բ ա տ օ մ քաղաքում, գեկտեմբերի 4-ին: Այնտեղ ևս ատրճանակներ կրակեցին ոստիկանութեան վրայ: Մի քանի հոգի միայն ձերբակալեցին:

Դեկտեմբերի 4-ին ցոյց եղաւ Ս օ ս ն օ վ ի ց ու մ: Մօտ 1000 մարդ, կարմիր դրօշակը պարզած, անցան քաղաքով: Հետեւեցին — երկու պրիստաւ և երկու ոստիկաններ վիրաւորւած: Ոչ մի ձերբակալութիւն:

Արիւնահեղ ցոյցերը շարունակւում են Լեհաստանում:

Գաւառական խոշոր քաղաքներից՝ Բազօմի մէջ միայն կառավարութիւնը փորձ արեց կանչել պահեստի զինւորներին: Քաղաքը նախօրօք լցեց զօրքով, որի մի ջուկատը պահպանում էր ռուսական եկեղեցին: Անցորդները ենթարկւում էին խուզարկութեան ու ծնծի: Դեկտեմբերի 24-ին, երբ կանչւած չեց զինւորների մի մասը պիտի ճանապարհէր դէպի Մանջուրիա, ռուսականային ռումբերով քանդեցին ճանապարհի վրայ ձգւած երկու կամուրջները. երկաթուղային հաղորդակցութիւնը դադարեց: Լուրը մեծ ցնցում առաջ բերեց լեհ ազգաբնակչութեան մէջ, պահեստի զինւորներից շատերը, խրախուսւած, փախան, ուրիշները բնաւ չներկայացան կօնտրօին: Նոյն օրը երեկոյան տեղի ունեցաւ արիւնահեղ ընդհարում. հազարաւոր ամբողջ եկեղեցիներից դուրս գալով, հաւաքեց որոշեալ փողոցի մէջ, թափոր կազմեց ու առաջ անցաւ «Վորչի» ցարիզմը և կեցցէ՝ Լեհաստանի անկախութիւնը՝ կոչելով: Ցուցարարները միաժամանակ օդի մէջ կրակեցին, ցոյց տալու համար, որ զինւած են: Ջօրքը, երկար զգուշութիւններից յետոյ, յարձակում գործեց: Այն ժամանակ ցուցարարները իսկապէս կրակեցին և 26-րդ գ Ն դ ի հ Ր ա մ ա ն ա տ ա Ր մ ի ս պ ա յ ու մ ի ժ ա ն դ ա Ր մ շնչասպառ գետին գլորեցին: Մէկ հոգի էլ սպանեց ժողովրդից: Յոյցը վերջացաւ. զօրաշարժը կատարւում է այնուհետեւ մեծամեծ դժւարութիւններով, զինւորները չեն ներկայանում: Գրգռումը հետզհետեւ սաստկանում է ազգաբնակչութեան մէջ:

Գրեթէ միևնույն ժամանակները ցոյցեր ու ընդհարումներ տեղի ունեցան և Լօձում ու Ջավերսձում, ուր ցուցարարների մեծ մասը բանտարկւելով՝ ժողովուրդը — թւով 3,000 հոգի — գրոհ է տալիս դէպի բանտի շէնքը, քանդում է պատերը և ազատում բանտարկեալներին... Լօձում ցուցարարները սպանել են երկու սէրժան, մէկ կօզակ:

Վ Ր Ո Ս Տ Ա Ն Ի Դ Է Պ Ք Ե Ր Ը

Վրաստանում ևս տեղի ունեցան լուրջ յուզումներ՝ զինւորակոչի առիթով: La Georgie-ի խմբագրութիւնը հետեւեալ տեղեկութիւններն է հաղորդում մեր:

Վրացի յեղափոխականների հրահանգով՝ երկրի բազմաթիւ շրջաններում այս տարի արձագանք չտւին զինւորակոչին:

Խ է վ ս ու Ր է թ ի ա յ ու մ (Թիֆլիսի նահանգ) ոչ մէկը նորակոչներից չէ ներկայացել որոշւած օրը: Կօզակները գնացել են բռնի բերելու, բայց զինւած ժողովուրդը յետ է քշել նրանց:

Գ ու Ր ի ա յ ու մ (Քութայիսի նահանգ) երբ կօզակները գնացել են փնտռելու ըմբոստացող նորակոչներին, ժողովուրդը ցոյց է արել, պարզելով կարմիր դրօշակը. ապա դպրոցից առնելով նիկօլայ 11-ի պատկերը, ցուցարարները պատեցրել են նրան գ լ ու խ ն ի վ ա յ Ր: Տեղի է ունեցել ընդհարում, սպանել ու վիրաւորել են շատերը:

Ք ու թ ա յ ի ս ու մ, նոյեմբերի 19-ին զինւորակոչի օրը, ժողովուրդը խմբել է փողոցներում, կարմիր դրօշակներով և «կորչի» պատերազմը՝ աղաղակներով:

Բ ա թ ու մ ու մ, դեկտեմբերի 10-ին, նորակոչները հաւաքել են, բայց վրաց կօմիտէի յորդորով՝ հրաժարւել են գնալ. ոստիկանութիւնը միջամտելով, առաջացել է կռիւ, որ տեւել է ամբողջ երկու ժամ:

Բ Ա Ն Ի Ո Ր Ա Վ Ա Ն Ծ Ա Ր Ժ Ա Ի Մ Բ Ա Գ Ի Ո Ւ Մ

Կովկասեան նաւթային քաղաքը, որ մի տարի առաջ հսկայական գործադուլի թատր եղաւ, նորից յուզւած է բանւորական ուժգին շարժումով: Աշխատաւորների արդար պահանջները՝ միացած քաղաքական ընդհանուր դժգոհութեան, որ հաւասարապէս լցրել է հայի, ռուսի, վրացու, թիւրքի սիրտը, մղեցին բանւորներին դէպի նոր ցոյց և դէպի ընդհանուր բողոք:

Գործադուլը սկսեց գեկտեմբերի 13/26-ին, և անսովոր արագութեամբ տարածւեց երեք գլխաւոր կէտերում — Բալախանի, Բիբի-Էյբաթ և Սեւ-քաղաք: Սպիտակ քաղաքն էլ ազատ չմնաց: Ինչպէս առաջ, այս անգամ էլ հեռախօսային հաղորդակցութիւնը կտրւեց, գործարանները կանգ առան, ձիաքարը դադարեց երթևեկելուց, նոյնիսկ լրագիրները անկարող եղան լոյս տեսնել:

Եւ աշխատանքի ընդհանուր մեղմութեան միջոցին, ինչպէս միշտ, հրապարակ եկաւ կօզակների վաշտը, զինւած և հեծեալ լեցւած անսահման կատաղութեամբ դէպի բանւորները: Հակառակ յեղափոխական մի քանի մարմինների նախադրուշացման, ոստիկանութիւնը զիմեց բռնի, զինւած ուժին, և ընդհարումը դարձաւ անխուսափելի:

Գործադուլի մանրամասները հաղորդում ենք ներքեւ, մի յատուկ թղթակցութեան մէջ: Շտապում ենք շեշտել այն բերկրալի համերաշխութիւնը, որ ներկայ գործադուլի վերաբերմամբ ցոյց տւեցին յեղափոխական զանազան մարմինները: Առաջ ենք բերում մի քանի պրօկլամատիւններ հրատարակւած:

I

Հ Ա Յ Բ Ա Ն Ի Ո Ր Ա Ն Ե Ր Ի Ն

Հ. Յ. Գաշնակցութեան Ինքնապաշտպանութեան Կօմիտէն միանգամայն համակրելով բանւորական ուժն մի շարժման, նշանակալի համակրութեամբ վերաբերւում է նաև ներկայ տեղական գործադուլին: Ուստի նա վերցնում է իր վրայ այդ

բանաւորական դատի կազմակերպումը և պաշտպանելու է բանաւորական տնտեսական շահերը ամէն միջոցներով, նպատակը է նրա դատի գրական վճռմանը:

Իսկ իր բանաւորներին առաջարկում է, իբրեւ յաջողութեան կարեւորագոյն պայման, լինել համերաշխ բոլոր բանաւորների հետ առանց ազգութեան և կուսակցութեան խտրութեան:

Բանաւոր դատակարգի անունով մինչև այժմ այլ կուսակցութիւնների կողմից պահանջների հետ ընդհանրապէս համաձայն չլինելով՝ աւելացնում է կուսակցութեան ազուն յատուկ պահանջներ:

Այսպիսով բանաւորութիւնը պահանջելու է. —

1. 8-ժամեայ աշխատանք:
2. Պայմանաժամկէպ դուրս աշխատանքի վերացումն:
3. Եռաժերի ընդհատաւղ աշխատութիւնների համար:
4. Սովորական գիշերային աշխատանքների վերացումն:
5. Տօների նախընթաց օրը աշխատանքը դադարեցնել ժամը 2-ին:

6. Երբեք մէջ մէկ օր ազատ:

7. Կապալով և կապալաւորների միջոցով վերցրած աշխատանքները վերացնել:

8. Իւրաքանչիւր դարբին աշխատում է մի քաւրայի վրայ և իւրաքանչիւր խառատ (տօկար) մի զագայի վրայ:

9. Վարձատրութեան աւելացումը առնուաճ 25 տոկոսով՝ նորավարձ բանաւորը ստանում է նոյնչափ, որչափ նրանից արձակածը:

10. Աշակերտի օրավարձը լինելու է առնուաճ 70 կօպէկ:

11. Արհեստաւորը վեցօրեայ աշխատանքի համար ստանալու է եօթ օրւայ վարձ:

12. Աշխատութեան համար դուրս ուղարկած բանաւորը ստանալու է մէկ ու կէս օրավարձ:

13. Բանաւորները հիւանդութեան ժամանակամիջոցում ըստանալու են լրիւ վարձատրութիւն:

14. Բոլոր բանաւորները անպայման բժշկելու են նախարգիւնաբերողների Խորհրդի հաշուով:

15. Մահացած կամ վնասած բանաւորի համար արւում է վարձատրութիւն նոյն չափով, ինչ չափով ստանում էր ինքը բանաւորը:

16. Իչքի առաջ ունենալով պետութեան կողմից ձեռնարկելիք բանաւորական ապահովագրութիւնը, պահանջելով, որ անպայման լինի արգիւնաբերողների հաշուից:

17. Ամէն տեսակ տուգանքների անպայման վերացումը:

18. Արգիւնաբերողների և բանաւորների միջև ծագած վեճերի քննութիւնը յանձնել միջնորդ դատարանին՝ կազմած երկու կողմի ներկայացուցիչներից, իսկ արձակած վճիռները պարտաւորեցուցիչ համարել երկու կողմի համար էլ:

19. Բանաւորի արձակումը կարող է տեղի ունենալ միմիայն միջնորդ դատարանի որոշումով:

20. Խիստ վայելուչ վերաբերմունք գէպի բանաւորը: Ծանր պատասխանատուութեան ենթարկել այն անհատներին, որոնք կը չհրաւորեն բանաւորի անձնական կամ ազգային պատիւը:

21. Բանաւորներ վարձելու և արձակելու ժամանակ ազգային խտրութեան միանգամայն վերացումը:

22. Առողջապահիկ և յարմար բնակարաններ՝ տալով վառելիք, լուստւորութիւն և ջուր:

23. Զրի և բնակարաններին մօտ բաղանիք:

24. Բաւարար քանակութեամբ առողջապահիկ կառքեր վերաւորներ և հիւանդներ տեղափոխելու համար:

25. Արհեստանոցները դնել լիովին առողջապահիկ պայմանների մէջ:

26. Զրի և պարտաւորեցուցիչ ուսումնական բանաւորների և արհեստաւորների երեխաների համար. տեղացիների համար դատաւորութիւնը մայրենի լեզուով:

27. Իւրաքանչիւր ֆիրմա պարտաւոր է ունենալ զբաղարան-ընթերցարան բանաւորներին համար, նաև ճաշարաններ:

28. Բանաւորը ստանալու է լրիւ վարձատրութիւն անգործ մնացած գէպբում, եթէ այդ առաջ է եկել իրանից անկախ պատճառներից, նաև գործադուլների ամբողջ ժամանակամիջոցում:

Յ. Յ. Դ. ԻՆՏԵՆՍԻՏԵՏՊԱՆ. ԿԵՆՏՐ. ԿՕՄԻՏԵ

Բազու, 19 ղեկտ.

II

ԲԱԳԻԻ ԲՈՂԱՐ ԲԱՆԻՈՐՆԵՐԻՆ

Ը ն կ ե ռ ն ե ռ ւ ւ ւ ը ն ե ռ ,

Պարծադուր շարունակում է. նրան յարում են բոլոր այն բանաւորները, որոնք գիտակից են իրենց ծանր, անելաւելի վիճակին:

Այժմ, ընկերներ, հասել է ժամը՝ մի անգամ ընդ միշտ վճռելու. — ի՞նչ գիրք բռնել, ի՞նչ անել, որպէս զի այն բարւոքումները, որ մենք այսօր ձեռք կը բերենք, վերջը մեզանից չիւրեն:

Ընկերներ, միայն այն ժամանակ, երբ կօզակները, ժանդարմներ, տափկանութիւնը, այրիքն ցարի ախոյճ կռոււթաւութիւնը կը դադարի պաշտպանել մեր թշնամիներին — կապիտալիստներին, երբ նա չի խանգարի մեզ՝ խօբելու և քննելու մեր զրութիւնը, երբ նա չի արգելի մեր ընկերակցութիւնները — միայն այն ժամանակ կարող կը լինենք մեր ձեռքում պահել արած նւաճումները:

Իսկ այդ, ընկերներ, տեղի կ'ունենայ միայն այն ժամանակ, երբ յարի միահեծան կառավարութեան փոխարէն՝ մենք կը հաստատենք ընտրական կառավարութիւն — ժողովրդական պարլամենտ. ուր մեր բնորոշ պատգամաւորները կը պաշտպանեն մեր շահերը:

Դադարեցրէք, ընկերներ, ձեր պարտպանները, փողոց դուրս եկէք և յայտնեցէք ձեր պահանջները: Պահանջեցէք ժողովրդական պարլամենտ, ընդհանուր զաղանի ձայնատուութիւն, ազատութիւն մամուլի, խօսքի և համախմբման, անկախութիւն Աշխարհի, Լեհաստանի, Ֆինլանդիայի և քաղաքական բոլոր բանտարկեալների ու արքայազնների կառարեալ ազատութիւն:

Զէքք ձեռին, ընկերներ, գրոհ տեղեկք յարի սպասաւորների դէմ, որոնք ձեր բերանն են փակում և ձեր ժողովները քանդում:

Դէպի առաջ, ընկերներ, դէպի համարձակ, վճռական կռիւ: Կրէ՛ք միապետութիւնը:

Կեցցէ՛ ժողովրդական պարլամենտը:

ՌՈՒՍ ՍՕՅԻՍԼԻՍԹՆԵՅԱՓՈԽԱԿԱՆՆԵՐԻ

ԱՍԳԻԻ ԿՕՄԻՏԵՏ

III

ԲՈՂԱՐ ԳԱՂԱՔԱՑԻՆԵՐԻՆ

Մենք, բանաւորներ, դուրս կը գանք Բագիի փողոցները, որպէս զի ամուր և ազատ կերպով ասենք, որ ինքնակալական կառւոյ, մինչև այժմ կենդանի ամեն ինչ ճշշող — պէտք է ոչնչանայ, ջնջի և փոխարինի ազատ կերպով ընտրւած ժողովրդի ներկայացուցիչների կառավարութեամբ: Երբ որ ճարտարիցի դէմ մղուող անմիտ, կործանիչ պատերազմը պէտք է դադարեցի, որ պէտք է մշակեն նոր օրէնքներ, որոնք ապահովէին ամէն մի մարդու, ով որ ուզէ նա լինի — հայ, ռուս, հրեայ, թիւրք և այլն — միատեսակ հարաւորութիւն լիակատար մարդավայել կեանք վարելու:

Անցեալի փորձից դուրս լուս գիտէք, որ մեր ցոյցերը ոչ մի մասնաւոր մարդու ոչ մի կերպ չեն սպառնում: Բայց ինչպէս ձեզ յայտնի է, կառավարութիւնը Թիֆլիզից զօրք է բերել, որպէս զի մեզ հարաւորութիւն չտայ ցոյց կազմելու: Մենք, սակայն, չենք կարող այդ արգելքի առաջ կանգ առնել, ինչ որ լինի՝ մենք դուրս կը գանք ցոյցի և հնարաւոր է, որ Բագիի փողոցները արեամբ հեղեղեն:

Մի՛ լինիք անմասնակից հանդիսատեսներ, միայնք մեզ հետ, քանի որ մենք կուսում ենք ձեր կրթնական համար: Որքան հակադաս լինի ցոյցը, նոյնքան հաւանական է, որ կառավարութիւնը երկու կողմէ պնդի դիմելու:

Խանդարեցէք աղմկոտ զրոյցից, ազդեցէք զօրքի և սպաների վրայ, որպէս զի նրանք չճգնեն ուժով ճնշել մեր բողոքը: Բռնութեամբ մենք բռնութեամբ կը պատասխանենք: Ինքնակալական կառւոյ խեղճում է սեփական յանցանքների մէջ և նրա դէմ մղած միահամուռ, սերտ գրոհ՝ մեզ յաղթանակ է խոտանում: Ով որ պատիւ ու խիղճ ունի, ով թանկ է գնահատում իր զաւակների ապագան, իր հայրենիքի ապագան, նա չի մնայ անուշագիր հանդիսատես և մեզ կը միանայ:

Դէպի հրապարակ մեր կարմիր դրօշակների տակ. մենք կուսում ենք ցարի կառավարութեան բոլոր ճնշածների և հարստահարածների ազատութեան համար: Մենք պահանջում ենք. —

Այսպէս ժողովրդից ազատ կերպով բնորոշ շինարարական ժողովի հրաւիրելը:

Ընդհանուր, հաւասար, սեղանի և դատարանի ընտրական իրաւունք:

Բոլոր ժողովուրդների օրէնքի առաջ հաւասարութիւն, առանց սեռի և ազգութեան խտրութեան:

Մահուի, խօսքի, ժողովների, միութիւնների և գործադուլների ազատութիւն:

8-ժամեայ բանտարկան օր:

Կորչի՝ ցարի ինքնակարութիւնը, կորչի՝ պատերազմը:

Կորչի՝ ցարի մանիֆէստը, կորչի՝ կապիտալիզմը:

Կեցցէ՝ դէմօկրատ հանրապետութիւն, կեցցէ՝ Ռ. Ս. Գ. հանրապետութիւն:

Կեցցէ՝ միջազգ. Սօց. Դեմօկրատիան, կեցցէ՝ Սօցիալիզմը:

Ռ. Ս. Գ. Բ. Կ. ԲԱԳԻԻ ԿՕՄԻՏԵՏ

ԲԱԳԻԻ ԳՈՐԾԱԴՈՒԼԸ

(ԹԶԹԱԿՑՈՒԹԻՒՆ ԲԱԳԻԻՑ)

28 դեկտեմբեր

Կործադուլը պայման անսպասելի կերպով դեկտեմբերի 13-ին (հին տոմ.): Մի 10-12 օր դրանից առաջ, Ռուս. սօց. դէմօկրատների կողմից դիմում էր եղել «Դաշնակցութեան» տեղական մարմին, առաջարկելով խորհրդակցել ընդհանրապէս բանտարկան շարժումների մասին, որպէս զի ապագայում տեղի ունենալիք գործադուլների ժամանակ բոլոր յեղափոխական մարմինների գործողութիւնները ներդաշնակ լինեն: Դաշնակցականները մի երկու նիստ գումարելով, մշակել էին մի շարք խնդիրներ և իրենց ներկայացուցչի միջոցով առաջարկել էին սօց. դէմօկրատներին՝ յատուկ ժողով գումարել՝ հարցերը քննելու համար: Առաջարկը հաւանութիւն է գտնում, սօց. դէմօկրատները խոստանում են, բայց լուծութիւն են պահում մինչև գործադուլի օրը: Դեկտ. 13-ին միայն խնդրում են Դաշնակցութեան ներկայացուցչին՝ գալ իրենց ժողովին: Դաշնակցական մարմինն էլ նկատելով, որ գործադուլը հրատարակած է առանց իր խորհրդակցութեան ու անյարմար ժամանակ, պատահում է իր ներկայացուցչին գնալ ու յայտնել, որ ինքն առայժմ ձեռնպահ է մնում: Սօց. դէմօկրատների մեծամասնութիւնը նոյնպէս գտնում էր, որ բոլորն անյարմար է. բայց ի՞նչ անել. պէտք էր այնուամենայնիւ, պահել գործադուլների վարկը: Եւ Դաշնակցութեան տեղական մարմինը իր ղեկավարութեան տակ գտնուող բանտարկութեան կողմից բաց թողնեց մի թուղթիկ, որի մէջ դրեց 24 պահանջ: Միաժամանակ նա համաձայնեց ուղարկել երկու ներկայացուցիչ՝ ուրիշ յեղափոխական կազմակերպութիւնների հետ նիստեր գումարելու և համեմատել գործակցութեան միջոցներ խորհելու: Մինչ այդ՝ բանտարկան պահանջների մի շնչին մասը միայն ընդունել էր նախարարականաբարողների կողմից, մեծ մասը մերժել էր: Յեղափոխական կազմակերպութիւնների ներկայացուցիչների խառն ժողովը մշակեց պահանջների մի միւսում, 25 կէտից բաղկացած և ղեկեց նախարարները յայտնելու ժողովին. վերջինս ընդունեց 23 կէտը շնչին փոփոխութիւններով: Ամենամեծ յաջմանակը, որ տարաւ բանտարկութիւնը այս գործադուլի միջոցին, այն է, որ դրամատէրերը ընդունեցին 9-ժամեայ աշխատանքի օրը: Այն ժամանակ Դաշնակցական մարմինը, ի թիւս ուրիշների, հրատարակեց մի նոր թուղթիկ, հրաւիրելով բանտարկներին՝ վերսկսել աշխատանքը պայմանական ամսի 28-ին:

Պէտք է ասել, որ գործադուլի ընթացքում դրամատէրերը դիմել էին իշխանութեանը՝ խնդրելով, որ ոստիկանութիւնը և զօրքը չմիջամտեն, քանի որ խաղաղ գործադուլ է: Եւ իրօք, նրանք չէին միջամտում: Այսպիսով 10-12 օր ազատ, բազմամարդ ժողովներ էին տեղի ունենում: Բայց չորս օր առաջ, երբ բանտարկները բալխանի Նոբելի մօտ սկսում են աշխատել, գիտակից բանտարկութիւնը գնում է գործը ընդհատելու. գալիս է կոպկոպների մի վաշտ, և մի պարապ զալպից յետոյ սկսում են կրակել բանտարկների վրայ: Սպանւում են 6 հոգի, վիրաւորւում են 23 հոգի: Սպանւածների մեծ մասը հայ է, մէկը թէ երկուսը միայն մահմեդական. ոչ մի ռուս չէ սպանւած: Զօրքը զոհ տուեց մի կոպկոպ: Նման դէպք տեղի ունեցաւ միևնոյն օրը Բիբի-Էյբաթում, ուր Մուխտարովի գործարանի մօտ ընդհարում եղաւ.

գործադուլ անող և աշխատող բանտարկների միջև: Վերջիններիս օգնութեան է հասնում կոպկոպների խումբը, և սպանւում են էլի 6 հոգի, վիրաւորւում են 10-12 հոգի: Սպանւածների մէջ՝ դարձեալ ոչ մի ռուս. վիրաւորւածների մէջ՝ շատ շնչին տոկոս: Մեծ մասը կրկին հայ է, թէեւ քիչ չէին գործադուլին մասնակցող և ռուս բանտարկները:

Աստիճանի աղբիւրից հաւատացնում են, որ դա պատահական բան չէր. կոտորածին մասնակցող մի զինւոր հետեւեալ օրը՝ հարբած դրութեան մէջ՝ պատմել է, որ հրամայւած է եղել խփել զխաւարապէս հայերին և խնայել ռուսներին...

Յ Ե Ղ Ա Փ Ո Խ Ա Կ Ա Ն Կ Ի Ի Ի

Կ Ռ Ի Ի Ն Ե Ր

ՍԱՍՆՈՅ ԵՒ ՄՇՈՅ ԴԱՇՏԻՆ ՄԷՋ

(Մանրամասն նկարագրութիւն)

1. ՀԵՂԻՆԻ ԿՈՒԻԼ

1904 թ. յունւար 10-ին Տալինը (Կէլիէկուզանի շրջանի մէջ մի ագարակ է, Կէլիէկուզանէն 1¹/₃ ժամ հեռու դէպի արեւելեան հարաւ) հաւար եկաւ Իշխընձորէն՝ թէ միտիր Բոս Սըն 15 սուարներով և իր աշխրեթով եկեր է՝ Հեղին, Արաղոնք, Ընկուզանկ և Իշխնձորը թալանելու: Վահանի և Անդրանիկի կարգադրութեամբ, խմբի անդամներէն մի քանիսը՝ Գէորգ 2-րդի և Մուրատի ղեկավարութեան տակ՝ հոն օգնութեան կ'ուղարկէին: Տղայք կը հասնին Իշխնձոր, ուր փախեր եկեր էր հեղինցի հարուստ հայ մը, Վարդան անունով, և օգնութիւն կ'ուզէր հայ զինւորներէն իր պատիւը և կայքը ազատելու համար:

Այս վարդան առաջ ոչ մի հաւատ չ'ունէր յեղափոխութեան վրայ և կը մտածէր սուլթանի հաւատարիմ հպատակ ձեւանալով՝ ապահովել զինքը: Դա մի ժամանակ նոյնիսկ մատնիչ ճանցեցաւ յեղափոխականներու

կողմէն, որոնք պիտի սպաննէին զինքը: Անգամ մը Բօն Սը յայտնի աւազակը Հեղին գալով կը յափշտակէ յիշեալ Վարդանի 60 ոչխարը, 3 ձին և 20 ոսկի դրամը: Այդ ժամանակ միայն կը համոզուի սուլթանի հաւատարմի հպատակը, որ խաբւոր էր իր հաւատքին մէջ և որ հաստն ու բարակը մէկ գին ունին: Եւ միակ միջոցը կը գտնէ՝ յեղափոխականներուն դիմել և անոնց պաշտպանութիւնը խնդրել: Ասոր համար էր որ նա Իշխնձոր եկած էր: Տղայք, առանց ինկատի ունենալու Վարդանի հակայեղափոխական անցեալը, վեր կը կենան գնալու Հեղին՝ աւազակը պատժելու համար: Երբ տղայք ճանապարհ կ'իյնան՝ քրդերը կ'իմանան անոնց շարժումը և անմիջապէս կ'իմացնեն Բօն Սըյին: Սա Փուսուր կը փախչի՝ կառավարութենէն ուժ ստանալու համար, որովհետեւ այդ ատեններ Տիգրանակերտէն Փուսուր էր եկեր 400 հոգիէ բաղկացած մի գունդ զօրք:

Տղայք Հեղին հասնելուն՝ կը գրին Բօն Սըյին, որ տարած թալանը ետ դարձնէ: Նա կը մերժէ թալանը դարձնել և բազմանցի աշխրեթն ալ օգնութեան կը կանչէ. միւսին ժամանակ նամակ մը կը գրէ տղայոց՝ թէ ինքն նպատակ չունի հայերու հետ թշնամանալու, այլ կառավարութիւնն է որ այդ ընել կուտար:

Ճիշդ այս ժամանակներ Հեղին կերթան նաև մի քանի ահաբեկներ, որոնք նոյնպէս օգնութիւն կ'ուզէին տղաքներէն: Մի քանի օր առաջ քրդերը Ահաբեկի վրայ էին յարձակւոր և սպաններ էին ինն հոգի հայերէն և փախցուցեր եօթ տարեկան մի աղջիկ: Չարագործները բռնողին ազատ էին, բայց կառավարութիւնը համագիտական արդարագատութեամբ՝ եղած ոճրագործութեան համար իբր յանցաւոր ձերբակալած էր հայերէն 8 հոգի:

Երբ Սըն զօրքեր ու քիւրդեր հաւաքած Հեղինի վրայ կուգար՝ տղայոց ոգեւորութիւնը սահման չունէր. կուր իւր սկսաւ, բայց յեղափոխականներու մօտիները թող չտան թշնամներուն առաջնաւ. վերջինները պարտաւորեցան շուտով ցրել և քաշիլ: Այդ տեղի ունեցաւ յունարի 17-ին *):

Երբ թշնամները քաշեցան, տղայքն ալ չմնացին գիւղի մէջ. իրենց հետ վերցնելով գիւղացիներուն և անոնց շարժական կայքը, անցան Անտիոնք: Զինուորներէն Պօղոս քանի մը ընկերներով մնաց Մեզրէ՝ Հեղինի գիծը պաշտպանելու, քրդերի յանկարծակի յարձակման պարագային: Մի օր Մեզրէի մօտեր կ'երևին մի քանի քրդեր, լռեսեալու համար այդ կողմերը. ատոնցմէ մէկն էր Սալէհ անուն յայտնի ոճրագործը, որ սպաններ էր չորս հայեր և Սերոբի մատնիչներուն միացած՝ մեծ գեր էր խաղացեր մատնութեան գործին մէջ. Պօղոս կ'իմանայ այդ քրդերուն ներկայութիւնը և յանկարծակի բերելով՝ կը բռնէ երեքն ալ. կը սպաննէ Սալէհը, իսկ միւսները ազատ կ'արձակէ: Այդտեղէն Պօղոս կ'անցնի Ընկուզնակ, ուր եկեր էին նաև Մուրատ և Գէորգ Չափուշ:

2. ՅՈՒՆԱՆԻ ԿՈՒԻԸ

Յունար ամսին Հրայր և Առաքել հինգ զինուորներով դաշտն էին իջել՝ գործերը կարգադրելու և զինուորական խորհուրդ կազմելու համար: Կառավարութիւնը իմանալով անոնց ներկայութիւնը՝ կը սկսի հետամուտ լինել

զերենք բռնելու: Սուրբ Սարգսի պահոց առաջին օրերը՝ Առաքելը կը բաժանի Հրայրէն և Յունան կերթայ չորս ընկերներով այնտեղ մէկ-մէկ, երկու-երկու կապրին հայոց տունները մի քանի օր: Փետրուարի սկզբին լուր կը բերեն Առաքելին, թէ զինուորները պաշարեր են զինուոր Գրիգորը և Զնտոն: Իսկ զորս կուգայ իմանալու համար թէ ինչ կ'անցնի կը դառնայ: Դուրսը նա կը նկատէ, որ զինուորներ խոստեր վերցուցած կը տանեն տղայոց գտնւած տունը արելու: Իսկ կը կրակէ հրացանը, որու ձայնէն Առաքել և ընկերներն ալ դուրս կը նետին տուններէն և կը յարձակին զինուորներուն վրայ: Զինուորները փախչելով կը մանեն Մեզրագետի թմբերուն տակ: Առաքել երկու հոգու դիրք պահել կուտայ գիւղի աղայի տունը (քէօշի), որ գիւղի մէջ ամենաբարձր շինութիւնն է, իսկ ինքն միւս ընկերներու հետ թիւրք զինուորներու ձիերը կը բիրէ և քէօշի տակ պատրաստ կը պահէ: Թիւրք զօրքերը արդէն հաւարը ձգել են ամէն կողմ. շուտով օգնութեան կը հասնի Նորշէնի զօրքը: Կուր բաւական սաստիկ կերպարանք կը ստանայ: Կուր ժամանակ մի զինուոր նեղ մնալով տղայոց արձակած գնդակներէն՝ կը փախչի և կը մանէ տուն մը. Իսկ կը նկատէ զայն և խոտ կը բերէ այրելու զանիկայ տան մէջ: Տանտէրը, որ կնիկմարդ մըն էր, կը միջնորդէ և չուզի թող տալ որ Իսկ իր գիտաւորութիւնը կատարէ, ճիշդ այն ժամանակ, երբ Առաքելի ձայնն ալ միւս կողմէն կը կանչէր Իսոյին, որ զինուորի մը համար ժամավաճառ չլինի, այլ կարգին դիրք մը պահպանի, բայց կինը չի մոռնար զինուորին հրացանն ու փամփուշտները առնելէն յետոյ միայն արձակել:

Հրացաններու բերնէն արձակող կրակը և վառօդի հոտը՝ կ'արժարծէ տղայոց կուր եռանդը: Առաքելը հեզ-նելով թշնամներու ուժը պոռալով կ'ըսէր. «Այդպէս 100-ով 200-ով կ'ուզէք մեզի հետ գլուխ ելնել, անիծածներ, լաւ գիտցէք, որ խաբւած էք»:

Իսկ կտրիճ Իսկ արծաի պէս կտուրէ կտուր կը թռչէր կուր ժամանակ՝ դիրքերը պահելու համար: Երեկոյան ժամը 5-ին կուրը կը վերջանայ, տղաներուն ոչ մէկ մնաս. թիւրքերէն կը սպաննուի մէկը և մէկ ալ կը վիրաւորուի: Երբ մշուշը կը թանձրանայ դաշտին վրայ և մութը կամաց-կամաց կը տիրէ, մեր քաջերը կը նստին զօրքերէն խլած ձիերուն վրայ և կը հեռանան գիւղէն: Կուր ձայնէն շրջակայ գիւղացիներ և Հրայր՝ կը պատրաստին օգնութեան հասնիլ, բայց տղայք արդէն հեռացած էին:

3. ՏԱՓԸՔԻ ԴԱԽԱՎՐՈՒԹԻՒՆԸ

Երբ Յունանի կուր լուրը Տափընի կը հասնի, Սեպուհ, Սմրատ և Ասատուր՝ զինուորները վերցնելով կ'ուզեն օգնութեան գնալ և կը հասնին մինչև Հաւատորիկ: Անդրանիկն ալ մի ուրիշ խմբով մինչև Բոփ կուգայ նոյն նպատակով: Բոփի մէջ Անդրանիկ կ'իմանայ, որ մի քանի տափըքի քիւրդեր, որոնց գիւղն էր եղեր նախորդ գիշեր, մտադրւած են եղեր սպաննել զինքը: Ետ կը կանչէ Սեպուհը և անոր հետ միասին կը վերադառնայ Տափըք: Այնտեղ կը հաւաքէ քրդերը և կը պահանջէ, որ անպատճառ իրեն յանձնեն իր դէմ դաւադրութիւն սարքողը. քրդերը կը յանձնեն դաւաճանը, որ կըս-յաննուի անմիջապէս Անդրանիկի հրամանով: Այնուհետև կը

ԺԱՆՕԹ. — Հեղինի մէջն է 1894-ի կոիւնսրու յայտնի հերոս Էնրեքի Գրգոյի գերեզմանը:

գրաւեն քիւրդերու քեօշները, 24 զէնք, 400 ոչխար և 100-ի չափ տաւար: Իրենց սիրելի հերոսի կեանքի դէմ եղած գաւազրութեան լուրը առնելով՝ Սէմալի, Շէնքերի, Վէլիէկուզանի, Շուշնամերկի, Քօփի, Վարմալի, Աղբիի, Իրիցունքի, Աշիանցիքի և ուրիշ զիւղերու իշխանները իրենց զինուորներով մօտ 300 հօգի, անմիջապէս Տափըք կ'իջնեն: Եանցաւորները պատժելու, բայց մինչև անոնց հասնելը, պէտք եղած կարգադրութիւնը արհիւ էր Անգլ-րանիկը: Կը կարգադրուի նաև, որ քիւրդերը բոլորովին հեռանան Տափըքէն: Այստեղ հայերը քիւրդերու մօտ գտան իրենցմէ թալանած և տարած շատ մը գոյքեր:

Տափըքի գաւազրութենէն մի քանի օր յետոյ, Տիգրանակերտէն Սասուն կուգայ գունդ մը նոր զօրք: Գէորգ Զաւուշ նամակ կը գրէ Տափըք և օգնութիւն կ'ուզէ: Ասոր համար ալ Սմբատ մի քանի զինուորներով կերթայ կը միանայ անոր: Սմբատ Երկար չի մնար Ընկուզնակ, այլ կանցնի Տալուրիկ, որ շարունակ Բուսանաց քիւրդերու սարսափին ենթակայ էր: Քիչ վերջ Գէորգ Զաւուշ ինքն ալ կերթայ Արտկոնք, ուր նոր զօրքեր էին եկեր. իսկ իր տեղը Ընկուզնակի մէջ կը թողնէ Մխիթարը: Գէորգ Զաւուշ այդ երեք գիւրքերի վրայ կը հսկէր շատ արթուն կերպով:

(Շարունակելի)

ՀԱՅԱՍՏԱՆԻ ՎԻՃԱԿԸ

ՍԱՍՈՒՆ ԵՒ ՍՈՒՑ

Մուշ 25 նոյեմբեր, 1904

Ցաւալի է ըսել, որ անլուր ճնշումներու շնորհիւ գաղթի շարժումներ սկսեր են սասունցիներու մէջ. ընդ որ ալ ձիւնով պատած է, օդին խստութիւնը շատ ահաւելի է: Կառավարութիւնը շարունակ արգելքներ կը հանէ դէպի Սասուն պարէնի փոխադրութեան, որ կը կատարեն շալակով ո՛չ միայն սասունցի տղամարդիկ, այլ կիներ, փոքր մանուկներ և աղջիկներ՝ այն ալ մերկ...

Կարելի էր գուցէ համբերել օդի անողորմութեան, սակայն անկարելի է դիմանալ Սասուն հաստատուած թիւրք զօրքերու անկարգութիւններուն: Անոնք շարունակ տարապահիկ աշխատութիւններով կը չարարեն ժողովուրդը. իրենց զինուորական պիտոյքները, պաշարը, նոյնիսկ վառելանիւթը կը փոխադրեն խեղճ սասունցիի կոնակով՝ առանց ունէ փոխարինութեան: Շաբաթ մը առաջ Մուշէն 70-ի չափ զինուորներ կը գնան Սասուն և երկու օր կը մնան Շէնքը. բոլոր հայերը ծեծելով ու նախատելով տարապահիկ կը վարեն գիւղէ գիւղ և կը լափեն խեղճերու օրապահիկը, նոյնպէս Սէմալի մէջ ելն: Երբ ժողովուրդը կը գանգատի, կ'ըսեն. «Մեռնիք, հոգիներդ ելնէ, մեր գրաստներու փոխարէն շարունակ ձեզ պիտի ծառայեցնենք, չունենք»...

Այս բանէն յուսահատուած՝ մաս մը ընտանիքներ Շէնքէն, Սէմալէն, Աղբիէն և լն, գաղթել են Դաշու: Կը վախճուի, որ գաղթը ընդհանրանայ, նոյնը կը լսուի Տալուրիկի կողմերէն: Նոյեմբեր 13-ին այն կողմի զինուորներ կը քայքայեն հայոց 5 տուն ի Տալուրիկ, 2՝ ի Հլոդիք, 3՝ ի Հարթք և փայտերը կը տանեն ու կը վառեն: Ասոր վրայ Տալուրիկի Էգու թաղը կը գաղթէ Փուրխ և Խլհովիտ գիւղերը. եթէ զինուորները հոն ալ հալածեն, բոլորովին պիտի գաղթեն: Արգէն կըստիպեն

ու կը ճնշեն, որ հայերը փախչին: Հոսնուտցիներ փախեր են Քրդամանք գիւղ, թուալինքցիները Յարդիսիկ, Հոգմանքէն 6 տուն Փաանաց գաւառ:

Ժողովուրդի կացութիւնը շատ ու շատ ծանրացաւ նոր և սոսկալի հարկահաւաքութեամբ: Հրէշ ոստիկանները գիւղերու մէջ կը բանտարկեն ոչ միայն մարդիկը, այլ և կիներու: Մարդկանց բերանը աղբ կը լեցնեն, կը թքնեն, կը ծեծեն, կ'անպատուեն, պաշ ջուրի մէջ թաթխելով կը չարարին, չնայելով որ ժողովուրդը իր պարտքերը տւած է. նորէն փայտ ու միս չարչարանքով կը պահանջեն և կը գանձեն: Ժողովուրդը բողոքելէ ձեռք քաշեր է, որովհետև կառավարութիւնը արգելած է և կարգադրած է, որ հայերուն կողմէ բողոքագիր չտրուի:

Թ Ղ Թ Ա Կ Ց Ո Ի Թ Ի Ի Ն Ն Ե Ր

ԿՈՎԿԱՍՏԱՆ ԽԱՐԻԻԿՆԵՐ

(ԵՐԵՄՈՒՆԵՐԿՈՒԾՐՈՐԻ ՆԱՄԱԿ)

Ս. Պետերբուրգ, 27 դեկտեմբերի 1904

— Ի՞նչ եմ տեսնում, ի՞նչ եմ լսում, պիտի գուշէր «Վէրք Հայաստանի» ի սգաւոր հեղինակը, եթէ գերբնական հրաշքով դուրս գար իր անյայտ գերեզմանից, և կանգնած Քանաքեռի բլրակի վրայ նայեր իր շուրջը, դէպի Հայկական աշխարհը:

Ի՞նչ աներեւակայելի տարբերութիւն: Երեք քառորդ դար առաջ, երբ քրիստոնեայ ուսու բանակը ոտք դրեց Արարատեան դաշտը հայութեան բոլոր խաւերը՝ յափըշտակած քրիստոնեայ կառավարութեան սիրով, անհուն կասկածի ու ատելութեան նշաններ էին ցոյց տալիս դէպի դարեւոր թշնամի, դէպի մահաւորական ազգաբնակիւթիւնը: Պատմութեան թելադրութիւնն էր այդ, ներշնչումը սև, դժբախտ անցեալի, երբ երկու ժողովուրդները՝ բաժանուած ծագումով, կրօնով, ազգայնական հակումներով, միմեանց միմեանքն ուսում, պատրաստ կործանելու մէկը միւսին:

Եկաւ նոր տիրապետութիւնը: Քրիստոնէութեան և քաղաքակրթութեան անունով նոր շրջան բացւեց: Իւ հայ ժողովուրդը, որ համ քրիստոնեայ էր, համ հակած դէպի քաղաքակրթութիւնը, նետեց նոր տիրապետողների գիրկը, պատանեկան յափշտակութեամբ: Հաշտութեան դարապուրիս բացւեց. և տեղացի ազգերի մէջ, շնորհիւ հեռատես քաղաքականութեան, խաղաղութեան գործը փոքր առ փոքր թեւեր առաւ:

Սակայն ո՞ւր է քաղաքական հեռատեսութեան այդ հաճելի շրջանը, այնքան գրաւիչ մտածողի համար: Ո՞ւր են այն օրերը, երբ բոլոր ատելութիւնը տրամադիր էր տեղի տալ խաղաղ մտածողութեանը, երբ հաշտեցնող քաղաքականութեան հմայքին ենթակայ, քրիստոնեայ հայը և մահաւորական թիւրքը փոքր առ փոքր վարժուում էին միմեանց աչքերին եղբայրաբար նայելու, մոռացութեան տալու հին պատմութիւնը, Յսիքով ապրելու նոյն հողի վրայ, նոյն արեւի տակ:

Ո՞ւր են այդ օրերը: Հարցրէք ցարերի սիրելիներին, հարցրէք Դօնդուկովի պատմագիրին, Շալիկովների գաղտնի հրահանգներին ծանօթ պաշտօնեաներին, հարցրէք Գօլիցինին և Նրա խորհրդաժողովի յայտնի և անյայտ»

անգամներին, և նրանք թարմ փաստերով կը պարզաբանեն, թե ինչպես, որտեղից և ի՞նչ ճանապարհով նախկին անսահման ռուսաստիճանի թիւնը տեղի տեց այժման ռուսաստեցութեան, և ի՞նչ եղանակով նախկին փոխադարձ ատելութեան տեղ սկիզբն առաւ այն համերաշխութիւնը, որ ձգտում է մերձեցնել կովկասեան հալածական ազգութիւնները, երբեմն այնքան թշնամաբար տրամադրուած, այնքան անտեղեակ իրենց քաղաքական շահերին:

Ահա մի քանիսը փաստերից:

Աւթսունական թուականներին, Երեւանի նահանգապետ Հալիկով, ներշնչած Գոնդուկով-Աօրսակովի քաղաքականութեամբ, առաջինը եղաւ, որ Երեւանի նահանգում լարեց թիւրքերի և հայերի յարաբերութիւնները: Թիւրք խաները, ազդեցիկ և կաշուող, կանչում էին նահանգապետի ապարանքը և անուղղակի յորդորներ ստանում՝ դէպքեր ստեղծելու... Ոստիկանութեան կարեւոր անդամները գիշեր-ցերեկ զբաղւած են պատմութիւններ սարքելով: Գաղտնի հրահանգները յաջորդում էին մէկը միւսին, և այդ բոլորի հետեանքը եղաւ այն, որ նախկին խաղաղութեան յաջորդեց՝ կռեցնելու սիստեմը, և մի քանի անգամ Երեւանի քաղաքային հրապարակը եղաւ թատր հայ-թիւրքական ընդհարումների, արիւնահեղ և վերին աստիճանի գրգռիչ:

Տարիներ յետոյ այդ քաղաքականութիւնը անցաւ Բագուի նահանգը և նրա կենտրոնական քաղաքը, որտեղ թիւրք տարրը ահագին թիւ է կազմում, ականատես եղաւ անխորժ գէպերի: Մի քանի ազդեցիկ թիւրք պրամատեքեր, որոնք սերտ կապեր ունէին նահանգական իշխանութեան և առհասարակ իշխանութեան հետ, անդադրում կերպով ներշնչումներ էին ստանում՝ թող չտալ, որ թիւրքերը օրինակ վերցնեն հայերից, և կամ մօտենան նրանց: Այդ ներշնչումները պաշտօնական թղթերով չեղան, ճիշդ է, բայց թէ՛ հրահանգողները և թէ՛ հրահանգողները միմեանց լաւ էին հասկանում, և այդ պատճառով երկպառակութեան թոյնը թափանցում էր ամբոխի բոլոր խաւերը մեծ աջողութեամբ: Համիսլամական հողմը աւելի բորբոքեց կրակը: Թունալից հողմը գալիս էր Ա. Պոլսից, զանազան էմիսարների միջոցով, ուղարկւած նոյնիսկ Աբդուլ Համիդի անձնական կարգադրութեամբ: Թէ «տեղական» և թէ «արտաքին» պրօպագանդը ուղղած էին հայերի դէմ և հասկանալի է, թէ ինչու կարձ միջոցում թիւրքերի վերաբերմունքը դէպի հայերը դարձաւ շատ կասկածելի և չափազանց ամպամած: Պառակտող քաղաքականութեան պտուղները երեւացին, ի միջի այլոց, 1903 թականին, երբ Բագուի թիւրքերը հայերի դէմ յարձակումն գործելու նշաններ ցոյց տեցին, ոգևորւած այն աջակցութիւնից, որ ոստիկանութիւնը ցոյց էր տալիս այդ դիւական ծրագրին:

Երկպառակութեան քսրոզը մահմետական նահանգներին թափանցեց այն քաղաքները, ուր հայերը դրացի են վրացիներին, և հարկաւոր չէր երկար ժամանակաւ միջոց, որպէս զի հայ-վրացիական յարաբերութիւնները, երբեմն խաղաղ և մտերմական, ընդունէին թշնամական կերպարանք: Բաթումի և Թելաւի գէպերը, ինչպէս և Թիֆլիսում տեղի ունեցած թիւրիմացութիւնները՝ դրան ապացոյց:

Եկեղեցական կալւածների գրաւման միջոցին կառավարութեան անամօթութիւնը իր չափը կորցրեց: Հատ

քաղաքներում, ինչպէս Հուշի, Նախիջևան, Գանձակ, թիւրքերը բացարձակ հրաւէր էին ստանում ոստիկանութիւնից՝ զինել և յարձակում գործել հայերի վրայ: Զրի գէնք էին առաջարկում. շատ գէպերում՝ նոյնիսկ փող և պաշտպանութիւն: Եւ կատարեալ հրաշք պիտի համարել՝ որ ֆանատիկոսացած թիւրք ամբողջ չխաբւեց, չյփշտակեց և չէզոք մնաց, ով գիտէ, գոցէ այն պատճառով, որ լուր կար, թէ հայերը մեծ պատրաստութիւններ ունեն...

Դաւը աւելի հեռու գնաց: Կառավարութիւնը կամեցաւ ռուս գաղթականներին և մալական գիւղացիներին ևս իր գործիք դարձնել և այդ նպատակով 1903 թ. վերջերին այդ համայնքներից շատերին գաղտնի կերպով զէնք ցրեց, հրահանգելով՝ «յարձակել հայերի դէմ, երբ նրանք ապստամբութեան փորձ անեն»: Դա է հիմնական պատճառը, որ եկուր գաղութների վերաբերմունքը դէպի տեղական ազգաբնակչութիւնը օրէցօր դառնում է աւելի և աւելի յանդուգն, գրգռող և անսանձ:

Յիշատակւած փաստերը, թուում է, բաւական են ընդորոշելու այն ուղղութիւնը, որին հետևում է ցարի կառավարութիւնը, մի ուղղութիւն, որը առանց ուէ «գործնական» հետեանքի հասցնելու, բնականաբար ստիպեց տեղացի ազգերին՝ բաց անելու իրենց աչքերը, խոր թափանցելու գաղտնի ծրագրերի մէջ և ըմբռնելու իրենց անմիջական անելիքը: Այդտեղից է ահա բղխում այն ընդհանուր շարժումը, որ սկիզբն է առել մինչև այժմ միմեանց թշնամի ազգերի մէջ, և որի նպատակն է շարկապել ներհակ ուժերը և ուղղել նրան դէպի ընդհանուր թշնամին — միապետութիւնը:

Բնորոշ են հետեանքը նշանները:

Երեւանի մէջ երկու ամիս առաջ լոյս տեսաւ մի շրջաբերական, գրած թիւրքերէն լեզուով և ուղղած մահմետական ազգաբնակչութեան: Դա մի կոչ է, որ հրաւիրում է թիւրքերին ինչպէս և հայերին, չխաբւել կառավարութեան նենգամիտ քաղաքականութիւնից, ականջ չդնել նրա սին խորհուրդներին, նախատեսել այն կործանարար ծրագիրը, որի նպատակն է կռեցնել և թուլացնել տեղացի ազգերին, և իրրե վերջաբան՝ հրահանգում է անկեղծ, սրտաբաց և գիտակցական համերաշխ շինու թիւրքերի և թիւրքերի մէջ:

Նոյնպիսի հրաւէրներ, թէև ոչ յատուկ շրջաբերականների ձևով, հայկական յեղափոխական մարմինները ուղղեցին և վրաց ժողովրդին ու վրացի մտաւորականութեան: Մեր վրացի դաշնակիցները արձագանք տեցին քանի մի անգամ: Եւ հակառակ ջօվէն տրամադրութեան, որ վրաց ինտելիգենտ հասարակութեան մի մասի յատկանիշն է, համերաշխութեան քաղաքարը, շնորհիւ արմատական և յեղափոխական տարրերի, փոքր առ փոքր ճանապարհ է գտնում ի վերիական մտածողութեան մէջ, իրրե գրաւիչ նախանշան՝ վաղւայ շարկապւած, գաշնակից գործունէութեան:

Վովկասեան բանւորական գործադուլները, կազմակերպւած Բագու, Բաթում, Թիֆլիս, ընդհանուր առմամբ՝ համերաշխ գործունէութեան և միացած դիմադրութեան արտայայտութիւններ են: Այդ շարժման մէջ, ուղղած կապիտալին և միապետութեան, վրացի բանւորը ձեռք տեց մահմետական բանւորին, ռուս աշխատաւորը հայ աշխատաւորին: Եւ եթէ համերաշխութեան

գաղափարը կ'արտայայտուի նորնպէս և գործադրութեան զուրկ, այն դէպքերու, երբ բռնապետութեան զոհը հանդիսանում է մի ազգից մէկը և այդ ազգութեան պատկանող պրօլետարի, և միւսները խօսքով և գործով արձագանք են տալիս նրա վշտերին ու կոչին. — դա կը լինի մի մեծ, վեհ յաղթանակ, սկիզբը թշնամու իրական կործանման...

Ճգնաժամի ներկայ շրջանը աւելի քան կարօտ է մարտական տարրերի մերձեցման: Մի տարի առաջ, եկեղեցական կալաւածների խմբան միջոցին, երբ բռն հայկական դիմադրութեան միացաւ ուսուցիչական յեղափոխութեան բողոքը, — կառավարութիւնը իր լեզուին կ'ըսէր: «Ներկայ թաւանին, երբ մօրիլիզատիօնի դէմ միաժամանակ դիմադրութեան հրաւեր կարգացին և՛ Դաշնակցութիւնը, և Սօցիալ-դեմոկրատները, և Սօցիալիստ-յեղափոխականները, և վրաց Յեղափոխական մարմինը, — կառավարութիւնը զգաց հակահարածի մեծութիւնը և յետ նահանջեց: Այդ համերաշխութիւնը՝ միապետութեան սոսկումն է, քայքայուելու նրա ծրագիրներին:

Յեղափոխական տարրերի մերձեցման գաղափարը չպէտք է նսեմանայ պատահական ու երկրորդական դէպքերից, որոնք անխորաթափանց, միամիտ դիտողի աչքում՝ շօվիտիստական բնոյթ ունին, և կարող են անցանկալի սառնութեան առիթներ լինել: Բռնապետութեան հարւածները այնքան խիստ են և ահաբեր, որ ինքնապաշտպանութեան բնագոյն էլ բնականաբար, յաճախ ընդունում է խիստ ու ծայրայեղ կերպարանք: Մի օրինակ:

Երբեմն Կովկասի մէջ հայ տարրը ուսուսական տիրապետութեան առաջապահ եղաւ Ընդհանուր հակում կար ոչ միայն դէպի ուսուսական միտքը ու գրականութիւնը, դէպի ուսուսական նորագոյն շարժումները, այլ դէպի ուսուսական կառավարութիւնը: Հայ ընտանիքների մէջ մեծ ազդուութեամբ մուտք էր գործում ուսուսաց լեզուն, ուսուսողի լեզուն, ուսուսողական լեզուն: Խառն ամուսնութիւնը դառնում էր սովորական: Ռուս պաշտօնեան անգամ մեծ յարգանքի առարկայ էր: Եւ ընդհանուր վերաբերմունքը՝ անկեղծ, բարեկամական:

Իսկ այժմ: Այժմ շատ բան է փոխւած: Խորապէս զայրացած այն անլուր տանջանքներից, որ միապետութիւնը պատճառեց խաղաղ, երբեմն այնքան լաւ տրամադրւած ազգութեան, հայ ժողովուրդը փոխեց իր դիրքը: Նախկին վստահութիւնը փոխարինեց մի անսահման կասկածով: Ամէն ինչ որ բղխում է կառավարութիւնից՝ ուրիշ բան չէ ներշնչում, բայց եթէ կասկած ու նոյնիսկ թշնամանք: Հակակրօնութեան զգացմունքը, հալածանքի ազդեցութեան տակ, աճեց և տարածեց այնպիսի խնդիրների վրայ, որոնք արդի ընթացիկ հետ կապ էլ չունին: «Ռուսաց թատրոն չպիտի գնալ. ընտանիքների մէջ ուսուսական վարժուհիներ չպիտի պահել. այլևս ոչ մի ամուսնութիւն ուսուսի հետ» — ահա այն բացառաւորութիւնները, որ լուրւմ էին ամբողջ մէջ ցասման օրերին: Այդ բացառաւորութիւններն ու կարծիքները, բարեբախտաբար հոսանք չկազմեցին, չդարձան ժողովրդական վերաբերմունքի արտայայտութիւն, մնացին իբրեւ բացառիկ, առանձնացած դէպքեր, — բայց իբրեւ հակահառաջ վարչական տրամադրութեան նշաններ՝ արժանի են արձանագրելու: Այդ ատելութիւնը ստիպողական է, կառավարչական մեքենայութիւններով ստեղծւած: Եւ

եթէ այդ փոխադարձ թշնամութեան մէջ կայ մի ցանկալի կէտ, դա այն է, որ այդ ատելութիւնը շատ հեշտութեամբ կարող է քաղաքական նոր ցնցումների աղբիւր լինել և տանել ժողովուրդը դէպի կոհ: Ընդդէմ այնքան զգուշի դարձած միապետութեան...

Այդ քաղաքական այլակերպութիւնը միայն հայերի շրջանում չէ կատարւած: Նոյնպիսի մի երևոյթ, թէև աւելի թույլ կերպով, նկատելի է վրաց ժողովրդի մէջ: Երբեմն վրաց հասարակութեան մէջ ուժգնօրէն հնչում էր իշխան Զաքարիաձէի, Ակակի Ծերեթելիի և ընկերների կոչը, որոնց քաղաքական ամենամեծ հեռատեսութիւնը՝ հակահայկական քարոզն էր, և այն սերտ բարեկամութիւնը, որ ուզում էին պահպանել կառավարութեան հետ, այն էլ այնպիսի բախտախնդիրների միջոցով, ինչպիսին էր «բանաստեղծ» Վելիչկո: Այժմ այդ օրինակ քարոզները հնչում են վրաց ժողովրդի ականջին անհաճոյ ձայնով: Նրանք այլևս չեն գրաւում, այլ վճռովեցնում են: Ցարերի կառավարութիւնը ծանր կերպով վերաւորեց 19-րդ դարի իր գաշակիցների սիրտը. — հալածեց վրաց լեզուն դպրոցից, եկեղեցիներից, ուսուսական ծիսակատարութիւնը ամբողջովին մոցրեց իվերական տաճարների մէջ, դրժեց իր քաղաքական դաշնագիրը, փակեց շատ դպրոցներ, քչեց երեսօտաւոր վրացիներին և այդ օրինակ «արկածներով» նախկին սիրոյ տեղ թշնամութեան սերմեր ցանց... Եւ Վրաստանի մէջ բուսած յեղափոխական խմբերը, այդ քաղաքականութեան շնորհիւ, իրենց առաջ կենսական պարտաւորութիւն ունին՝ նախկին սիրոյ աւերակների վրայ՝ կուրի և պայքարի գրօշակը պարզել... Այնտեղ էլ երեկայ անձնէր ժողովրդի մէջ, երբեմն երբեմն հակառակութեան թունդ ձայներ են լուրւմ, ձայներ՝ ընդդէմ ուսուսաց լեզուի, ուսուսաց ազդեցութեան... որոնք, իհարկէ շօվիտական ուժեղացման նշաններ չեն, այլ հակահառաջական ատելութեան դիւրամբունքի արտայայտութիւններ:

Թիւրք ժողովրդի մէջ այդ օրինակ երևոյթ դեռ չկայ, սակայն դժգոհութեան նշանները այնտեղ էլ երևում են, — մի քանի նոր կայծեր, ուէ շօշափելի առիթ, և քաղաքական հրդեհը այնտեղ էլ կը բռնկի, գուցէ և աւելի մեծ ուժով, որովհետև մահմետականութիւնը երբեք հաշտ աչքով չէ նայել քրիստոնեայ Ռուսաստանի տիրապետութեան տարածման Թիւրքիայի և Պարսկաստանի սահմանների վրայ:

... Ցանկանալով դարը սկսեց Միապետութեան յաղթական մուտքով դէպի Կովկաս: Գտնելով դարը սկսում է մի զօրեղ կուրու յաղթական Միապետութեան դէմ, որ տիրապետեց ամբողջ դար: Բաւական է այդ: Նրա բարիքն էլ տեսանք, չարիքն էլ: Ժամանակն է, որ նա յետ նահանջի ժողովրդական ըմբոստացման ու յեղափոխական զօրաբանակի դիմաց: Ե. ԱՆԿՈՒՆԻ

Ք Ա Ղ Ա Ք Ա Կ Ա Ն Տ Ե Ս Ո Ւ Թ Ի Ի Ն

ՀԵՌԱՒՈՐ ԵՒ ՄԵՐՁԱՒՈՐ ԱՐԵՒԵԼՔ Մ Ա Կ Ե Դ Օ Ն Ի Ա

Երկուսն էլ մի ջախջախիչ հարւած ևս տուց իր ինքնահաւան հակահեղափոխ. — Պօրտ-Արտուրը ընկաւ: Նիկոլայ 11-ը կորցրեց խաղաղ ովկիանի վրայ իր իշխան-

նութիւնը և, ամենայն հաւանականութեամբ, կորցրեց ընդմիջում Անցքը սովորականներից չէ, նա ունի համաշխարհային ծանրակշիռ կարեւորութիւն:

Ցարիզմի «համայնք», որ սոսկումի մէջ էր պահում ասիական աշխարհը և մասամբ նոյնիսկ եւրոպան, խախտեց արիւնաներկ ու քարութեանդ եղած վիժխարի բերդում, որը հպարտ իշխում էր լայնարձակ երկրների վրայ...

Սարսափելի է պատահարը. չափազանց անողորմ փորձութիւնների է ենթարկւում գոռոզ, ինքնահաճ միապետութիւնը: Պօրտ-Արտուրը գէթ Սեփաստօպօլի ճակատագիրը չունեցաւ. այնտեղ ցարիզմը յետ նահանջեց անգլո-ֆրանսիական միացած ուժերի առաջ. իսկ այստեղ... մի փոքրիկ ասիական պետութիւն է, որ հասցնում է ծանր հարւածը, — մի երկիր, որ դեռ երէկ միափում էր նահապետական կուլտուրայի գրկում, անգիտակ արեւմտեան քաղաքակրթութեան, անտեսւած ու արհամարհւած եւրոպայից:

Զարմանալի չէ, որ Պօրտ-Արտուրի անկումը անսովոր շառաչում ունեցաւ ամբողջ աշխարհում, իսկ Ռուսաստանի մէջ յարուցեց կսկծալի ճիւղերի մի սոսկալի ժխոր... Նա չէր կարող միաժամանակ չցնցել և ասիական յետադիմաց ցեղերին, չ'անդրադառնալ նրանց հոգեբանութեան վրայ: Մի վայրկեան նրանք, թերևս, սթափուեցին լեթարգիական քնից և ապշանքով դիտեցին փոքրիկ նիպօնների յանկարծական, աշխարհագրորդ թռիչքը:

Նոր անսպասելի երևոյթ, հասարակագիտական տեսակէտից միանգամայն ուշագրաւ, անբացատրելի:

Եապօնականութիւնը սլափօնականութեան դէմ յաղթական, — ահա հրահանգիչ իրողութիւնը: Բայց եապօնականութիւնը գալիս է Ասիայից ոչ թէ ասիացու, այլ եւրոպացու կերպարանքով, թարմ, շարժուն, առաջագէտ: Նա գալիս է քաղաքակրթութեան դասեր տալու անշարժ, քարացած Ռուսաստանին, այն Ռուսաստանին, որը յաւակնութիւն ունի դեռ Պետրոս Մեծի օրով մտած լինելու արեւմտեան կուլտուրայի աւագանի մէջ որը յաւակնութիւն ունի լուսաւորութեան ջահակիր լինելու նաև ասիական հօրիզոններում, բայց որը այժմ, փորձութեան օրերին, հանգէս է գալիս աշխարհի առաջ իր զազրելի մերկութեամբ, իր խայտառակ անկարողութեամբ՝ հասկանալու և կիրառելու ամենատարրական բարեւաւունքները իր վարչական մեթոդի, ներքին ու արտաքին քաղաքականութեան մէջ:

Այդ ցայտուն հակասութեան մէջ է սօցիոլոգիական ապշեցնող երևոյթը: Ղրիմի պատերազմը մի անողորմ դաս էր, բայց եւրոպականութեան ծիրանի հագած ասիական բռնապետութիւնը չքաղեց դրանից հարկաւոր հրահանգները: Երկիրը շարունակեց քարացած մնալ Պօրէգօնօսցէլների ռէժիմի տակ և բռնակալութեան մեքենան անգամ չկարողացաւ գէթ այնպէս բարեփոխել, որ պատասխանէր արտաքին, գիշատիչ քաղաքականութեան պահանջներին, Ռուսիայի տարածման դէպի հարաւ ու արեւելք, — պահանջներ, որոնցով ապուշ բիրտկրատիան ձգտում էր վարագուրել, մթնայնել, խեղդել այլ կարգի պահանջները, — ներքին ռէֆօրմների ստիպողական անհրաժեշտութիւնը:

Նւ ահա հետևանքը: Ռուս գիւնագիտութիւնը, իր իսկ սեփական շահերի տեսակէտով, յայտնեց միանգամայն ստոր իր կոչումից և ծիծաղաշարժ՝ իր անձարութեան մէջ: Նա շարունակ գրգռեց հակառակորդին, առանց չափելու նրա ուժերը և առանց իմանալու իր սեփական պատրաստականութեան հնարաւոր չափը:

Ռուս զօրավարներն ու ծովապետները միանգամայն արգահատելի կերպարանք ընդունեցին եապօնական առաջնորդների դիմաց, որոնք թէ իրենց հմտութեամբ և թէ արիւնթեամբ աշխարհի հիացմունքը շարժեցին:

Ռուսաստանը ջախջախեց ովկանի վրայ, նրա նւատորմի ողբալի փշրանքներն են միայն մնում այժմ: Բալտեան նւաբաժինը, զրկւած գործողութեան իր յենակէտից՝ զուր, ծիծաղաշարժ պտոյտներ է անում... այն ինչ՝ ցամաքային զօրքն էլ գրեթէ բոլորովին շանս չունի յաղթելու:

Գէթ այժմ կը խրատուի...

Հարկւր հաղարաւոր մարզկանց ահռելի կոտորածը և անպատիւ պարտութիւնները պիտի դրգե՞ն արդեօք կոյր բռնակալութեանը և թուլամիտ վեհապետին՝ արձագանք տալ հասարակութեան բարձրագոյն պահանջին և մտցնել գէթ մի շարք անյետաձգելի, հիմնական ռէֆօրմներ...

Այդ է որ կը տեսնենք: Առայժմ ասպարէզը տարտամ, հակասական շշուկներին է. առայժմ յայտնի է միայն, որ «աստուածընտիր» Նիկոլայը քուրմ-Պօրէգօնօսցեցելից հրահանգւած, տրամադիր չէ մի նշանախեց անգամ զիջելու իր միապետական իրաւունքներից...

Թւում է միւս կողմից, որ կառավարութիւնը անցքերի անողորմ տրամաբանութիւնից մղւած՝ հակամէտ է որոշ չափով գոհացում տալու սահմանադրական, ըմբոստ տարրերին և ներքին գործերի միսիստրի պաշտօնում պահել քիչ թէ շատ ազատամիտ մէկին, — մի Միրսկի կամ մի Վիտտէ:

Թէ ո՞ր քաղաքականութիւնը ի վերջոյ կը գերակշռէ, թէ որքան յամառութեամբ Նիկոլայ II-ը կը շարունակէ պնդել իր աստուածատուր իրաւունքների վրայ, — դա յամենայն դէպս, կախւած է նրանից, թէ որքան ուժգին կ'որոտայ յեղափոխական հրաբուխը...

Մեր ձաւոր արեւելքում... միութարական բան չկայ: Դուռը յուսահատեցուցիչ յամառութեամբ քաշքշում է մակեդոնական ռէֆօրմների հարցը և մերժում է իրագործել նոյնիսկ պահանջների այն minimum-ը, որ վաղուց առաջադրել է նրան աւստրո-ռուսական համաձայնութիւնը: Նա ոչ թող է տալիս անելացնել եւրոպական ժարդարմերիան խուռն, ալէկոծ վիլայէթներում, ոչ էլ ուզում է, որ տեղում գտնւած եւրոպացի ժանդարմները մտնեն ունէ չփման մէջ քրիստոնեայ ազգաբնակչութեան հետ:

Երկու վերահսկող պետութիւններն էլ առանձին փութկոտութիւն չեն ցոյց տալիս իրենց քայլերում, մանաւանդ Ռուսաստանը, որ բնաւ գլուխ չունի մերձաւոր արեւելքի խնդիրների համար: Զարմանալի չէ այդ տեսակ պայմաններում թիւրք կառավարութեան յանդուգն ընթացքը ժողովրդի ու յեղափոխականների նկատմամբ: Նա այն աստիճան լրբացաւ, որ նոյնիսկ հրապարակ հանեց մի շրջաբերական, թիւրք բուլգար ու յոյն լեզուով, Մակեդոնիայի բոլոր անկիւններում, որով ձգտում է ստեղծել այնտեղ Հայաստանում տիրող վիճակը: Հետեւեալ արտակարգ միջոցներն են ազդարարւում այդ շրջաբեր-

րականով. արգելում է բացարձակապէս ամէն մէկին՝ դուրս գալ իր գիւղից և շօջիլ դաշտերում, արեւ մայր մտնելուց յետոյ Ստիպողական պարագայում անհրաժեշտ է լիազօրութիւն անել տեղական իշխանութիւններին: Զինւորական առաջնորդներին պատկերում է հրացանի բռնել այդ հրամանի դէմ մեղանշողներին, որպէս «խառնակիչներին մեղակցողներին»:

Այդ յարաճուն խտութիւնները ազգում են արիւնակից Բուլգարիայի վրայ, որի կառավարութիւնը երբեմնապէս, մանաւանդ վերջերս, սուր դիտողութիւններ է անում՝ Կ. Պոլսում և ակներե կերպով պատրաստում է պատերազմի...

Յեղափոխութիւնը իրօք զինադպար է հրատարակել Մակեդոնիայում, բայց վերջին ժամանակներս այնտեղ առաջացել է մի սոսկալի պատուհաս, — յոյն, սերբ ու բուլգար աշխատավարձերի փոխադարձ կատաղի յարձակումներն ու արիւնհեղութիւնները — որոնք, դժբախտաբար, սուլթանի ջրաղացին են միայն ջուր ածում և յաջս Եւրոպայի վարկաբեկ անում Մակեդոնիայի դատը:

Հիւմի փաշան, ի՞նչ ասել կ'ուզէ, ամէն կերպ խրախուսում է ցեղերի այդ կռիւը և երկու պետութիւններին յայտարարած՝ Միւրցտեգի տխրահռչակ ծրագիրը անգոր է գտնում հարկադրելու իր կամբ: Մի տարի եւրոպական հսկողութիւն — և արգիւնքը տակաւին անշօշափելի... Ահա ցաւագին իրողութիւնը: Եւ այդ միւսոյն հետեանքն է եղել սուլթանահպատակ բոլոր երկրներում, որոնց համար այլևայլ ժամանակ, Եւրոպայի ճնշման տակ, ռէֆորմներ են խոստացել: Բայց այդ ռէֆորմներն իրագործելու համար՝ բարձր կոմսարներ նշանակել են միշտ սուլթանի կողմից, և սուլթանի մ'արդի կ, — Զեւադ փաշա՝ Կրէտեում, Շաբիր փաշա՝ Հայաստանում, Հիւմի փաշա՝ Մակեդոնիայում...

Կ Ե Ն Ս Ա Փ Ր Ա Կ Ա Ն

Լ ՈՒՒՋ ՍԻՇԷԼ

Մի ասաղ մարեց յեղափոխական կանանց աշխարհում — ամենամեծը, ամենափայլունը: Լուիզ Միշէլ, հռչակաւոր «Կարմիր Կոյսը», գերեզման իջաւ 74-ամեայ զառամեալ հասակում, տանելով իր հետ բոլոր յեղափոխական մտածողների, նոյնիսկ յետագէմ հակառակորդների յարգանքն ու հիացմունքը:

Աշխարհական «սրբերից» էր նա, որ իր գեղեցիկ, հմայիչ կեանքով սեփականութիւն է դառնում ոչ միայն Ֆրանսիայի, իր հայրենիքի, այլև բոլոր ժողովուրդների, ամբողջ տառապող ու երազող մարդկութեան: Նրա կեանքը մի դիւցազներգութիւն էր, լի մրկայով դրուագներով, ուր բանտ, աքսոր և ամէն տեսակ հալածանքներ իրարու յաջորդելով, երկար տարիների ընթացքում տրորեցին նրա կանացի գոյութիւնը և սակայն չկարողացան խորտակել նրա կամքը, և նա միշտ մնաց անվկանդ, խանդավառ յեղափոխական, անշէջ հաւատով՝ դէպի ժողովրդական Փորձի յաղթանակը...

Արեւմտեան կին-գրողների ու պրօպագանդիստների շարքում նա մի բախտաւոր բացառութիւն էր. Սէվէրինների ու Յետկինների պէս նա չէր գոհանում լոկ խօսքի

ու գրչի մարզանքներով, այլ դրա հետ զուգընթացաբար մղում էր նաև գործի պրօպագանդը, նետում էր ամենավտանգաւոր արկածների մէջ, բերում էր իր սիրած դատին իր բոլոր եռանդը, իր բովանդակ անձնաւորութիւնը:

Յեղափոխութիւնը վաղուց նւիրական պաշտամունք էր նրա համար, բայց նա լոկ տաքգլուխ մի երազող չէր, կուեւրու, զարնւելու արեւստի սիրահար, այլ մի մոլեռանդ տենչացող ազատ ու երջանիկ ապագայի՝ թշառ, բազմատանջ մարդկային մեծամասնութեան, ամբոխի համար, որին նա սիրում էր մինչև բացարձակ ինքնամոռացութիւն:

Այդտեղ է «Կարմիր Կոյսի» ուժը՝ նա յայտնի եղաւ դեռ 1871-ի ահաւոր անցքերի միջոցին, երբ պրուսացիների յաղթական արշաւանքի դիմաց Պարիզի Կոմունան հպարտ բարձրացրել էր իր ըմբոստ գլուխը, ծածանցնելով «սոցիալական հանրապետութեան» կարմրագոյն դրօշը: Լուիզ Միշէլ մէկն էր այն դժոխային, հերոսատիպ դէմքերից, որոնք գերագոյն ճգնաժամի օրերում առաջ մղեցին այդ զարհուրելի աշխարհաստան դաւադրութիւնը, ուղղած բուրժուական տիրապետութեան դէմ...

Երկու ամսւայ հերոսական դիմադրութեան ընթացքում Լուիզ Միշէլ մարմնացած անձնւորութիւն էր, մի օր իբրև վիրակապ ու զթութեան քոյր, միւս օր իբրև քարոզող, մտքերը վառող, միւս օր իբրև կուռղ, մարտիկների շարքում, բարրիկադների վրայ, ուր և վերջ ստացաւ...

Եւ երբ «Կոմունան» յաղթահարւեց, երբ հայրենակից կառավարութեան ձեռքով Պարիզը վերածւեց մի վիթխարի սպանդանոցի — այն ժամանակ հնչեց գերեզմանական խաղաղութեան մէջ «Կարմիր Կոյսի» սասանցեցուցիչ անէծքը՝ դաւաճան կառավարութեան հասցէին, որը զարգանդած կոմունիզմի ուրաւանից, վագրի մոլեգնութեամբ նետել էր հաղարաւոր արիւնակիցների վրայ և, ի տես պրուսական զօրաբանակի, կատարել էր մի անօրինակ ողբերգութիւն...

Հերոսուհի Լուիզ Միշէլը մենք տեսնում ենք և զինւորական ատենախառաջ, ուր փոխադրւեցին ողջ մնացած «Կոմունականները» և ուր Լուիզ Միշէլ, գլուխը միշտ բարձր, յանդուգն ու մոլեգին պատասխաններով շանթաւարում էր դատաւորներին:

Աքսորի դատապարտւեց շատերի շարքում և ամբողջ 9 տարի անցկացրեց Նոր-Կալէդօնիայի արեակէզ խորշերում:

Կին-հերոսը չ'ընկճեց աքսորի տառապանքներից. նա ինքն էր սիրտ տալիս իր բախտակից երիտասարդներին, բաժանում էր նրանց հետ իր ունեցածը բացարձակապէս զրկում էր իրեն... Սակաւ չէ պատահում, որ կատաղի ատելութեան հետ՝ մարդիկ կրում են իրենց ծոցում և կատաղի սէր ու կարեկցութեան զգացում: Ատելով ժամանակակից կարգերի ներկայացուցիչներին, Լուիզ Միշէլ անսահման ու անխառն սէր էր տաւում դէպի բոլոր զրկւածները. ամբողջ լացող, հալածական աշխարհը նրա պաշտամունքի առարկան էր:

Աքսորից վերադառնալով, նա նախկին թափով շարունակեց քարոզել, անդադար պայտանք գործելով Ֆրանսիա, Անգլիա, Շվեյցարիա, ուր բազմամարդ միթինգներում արծարծում էր անիշխանականութեան գաղափարները: Նա կին-մարգարէի տիպարն էր, որ իր գաղափարական ֆանատիկութեան մէջ յաճախ ծայրայեղ քայլեր

էր անուս. այդպէս, 1884 թւին, նա կիսաքաղց ամբոխի գլուխն անցած՝ պաշարեց հացագործի մի շարք խանութներ, ընդհարում ունեցաւ ոստիկանութեան հետ և այդ արկածի պատճառով չորս տարի ևս բանտ նստեց: 1888-ին Պարիզում արտասանած մի ճառի համար — դարձեալ չորս ամիս բանտ:

Անխոնջ, մոլեռանդ աշխատաւոր:

Կախարչիչ էին այդ անսովոր կնոջ ճառերը հրապարակական ժողովների մէջ, նոյնիսկ նրանց համար, որոնք չէին բաժանում նրա աշխարհայեցութիւնը:

1896-ի ամառն էր. Լոնդոնի միջազգային սօցիալիստական կոնգրէսը վերջանալուց յետոյ, հետաքրքիրների խումուն բազմութիւն — բոլոր ազգերի ներկայացուցիչները — դիմեց դէպի անիշխանականների հոյակապ ժողովարարհը, ուր պիտի խօսէր Լուիզ Միշլէ. Մի շարք անիշխանական հեղինակութիւններից՝ Կրապոտինից, Ռէկկիւից և ուրիշներից յետոյ, սրտաբնդոտ ծափահարութիւնների մէջ, բեմ դուրս եկաւ «Կարմիր կոյսը» իր տիտանեան հասակով: Չէինք տեսել, որ զինազիտաւորը այդքան հմայիչ տպաւորութիւն գործէր: Եւ խօսքի ուժը չէր, որ շղթայած էր պահում ահագին հասարակութեան պատկառոտ ուշադրութիւնը — ոչ, խօսքը միակերպ էր, մտքերը սովորական, անիշխանական ֆրազէօլօգիայից. մեզ կաշկանդողը խօսողի անձնաւորութիւնն էր, նրա անկեղծ ցասումը, նրա վառող, հրգեհոյ տեմպերամենտը, նրա անզուսպ, թունոտ ատելութիւնը դէպի ժամանակակից սօցիալական կարգերը: Մեր առջև ծառացած էր ինքը տիեզերական վիշտը, իր բոլոր սեւերով, ինքը ըմբոստացող նահատակութիւնը...

Եւ մինչև վերջին շունչը աշխատեց նա իր դատի համար, 74 տարեկան հասակում անգամ քարոզչական պտոյաներ էր անում գաւառների մէջ, ուր նրա քայքայած առողջութիւնը ստացաւ, վերջապէս, մահառիթ հարածը:

Աքանջելի դէմք, հազադէպ երևոյթ նոյնիսկ արեւմտեան, լուսաւոր աշխարհում, — ո՛ր մնաց արեւելեան կիսակիրթ երկրներում... Մինչև չբազմանան Լուիզ Միշլէնները, թուում է, թէ դեռ երկար պիտի գլորւի մարդկային առաջադիմութեան անիւը, մինչև իր բաղձալի շրջանին հասնելը...

Ս. Վ.

Թ Ե Ր Թ Օ Ն

ԲԱՆՏԱՐԿԱԾ ԸՆԿԵՐՈՋ ՆԱՍԱԿԸ

Ցածկական 6-ամեայ բանտարկութիւնից նոր ազատւած մի ընկեր հաղորդում է մեզ իր տպաւորութիւնները եւ մի շարք իրողութիւններ, որ սիրով յանձնում ենք հրատարակութեան:

Սիրելի ընկերներ,

Եթէ անկարող եղայ իսկոյն գրել ձեզ, պատճառը այն է, որ դժուար էր ինձ մէկէնիմէկ գրիչ ձեռք առնել. վեց տարւայ դժոխային պայմանները բռնադատեցին կամքս և առողջութիւնս քայքայելու հետ՝ վարժեցրին ինձ թիւրքերէն լեզուին ու ստիպեցին գրեթէ մոռանալ մայրենի լեզուս, որով դժւարանում եմ այժմ մտքերս արտայայտել Ծիծաղելի դրութիւն... Ես, որ երբեմն այնքան դայրանում էի, լսելով ունէ հայի բերանից թիւրքական բառբառ:

Ձերմ ողջոյններ ձեզ և բոլոր նրանց, որոնք — հարա-

զատ կամ օտար — խօսքով եւ գէնքով մեր ապագայ յոյսերի կռիւն են մղում: Բայց մանաւանդ համարյոնե՛ր մեր խնկելի նահատակների աճիւնին, որոնք հայրենիքի դարեւոր նախատինքը իրենց արիւնով լւացին: Նահատակներ, որոնք ամէն տեղ յոյսեր ներշնչեցին, կենդանութիւն սփռեցին:

Ողջոյն և այն տարաբախտ ընկերներին, որոնք հեռու իրական կեանքից, բանտերի խորքերում իրենց օրերն են համրում, յոյսի ու տենչի մի զգացումով՝ ելնել ու շարունակել այն ուղին, որ կիսատ թողին բախտի ձախուրդ բերմունքով: Բանտն ու կապանքները յեղափոխական գործի աղն են, նրանց ծանրութիւնը աւելի քաղցր ու հրապուրիչ է դարձնում ազատութիւնը...

*

Ուրբան կ'ուզեն, թող պնդեն մեր հակայեղափոխական տարրերը՝ թէ բռնութիւններն ու աղետները յեղափոխական շարժման հետեանք են... Ահա ձեզ Կիլիկիան, որ ըստ երևոյթի հանգիստ է, ուր հայ յեղափոխականի ստեղծն անգամ չի երևում, և սակայն ինչե՛ր չեն կատարւում նրա խորքերում, մութ և խոնաւ բանտերի մէջ...

1897-ի ընդհանուր ներումից յետոյ հարկւրաւոր հայեր, շատերը ականաւոր հարուստներից, կառավարութեան դաւերով ընկել են բանտ՝ Զէյթուն, Մարաշ Սիս, Այնթապ, Հալէպ, Հաճըն և այլն, և միայն երկար ժամանակ այնտեղ փախուց և վերջին փարան թիւրքին կերցնելուց յետոյ՝ կարողացել են իրենց կաշին ազատել: Մանրամասնութիւններն յետոյ կը գառնանք: Այդ բոլոր բանտարկութիւնները կատարւել են քաղաքական անւան տակ, թէպէտև ոչ մի նշան չունեն այդ անունը կրելու:

Երկիր ճամբելու համար՝ կենտրոնական քաղաքներում — Սեբաստիա, Ատանա, Հալէպ և ինչ — ժողովում են պանդուխտ հայերին և միմեանց վրայ թափում բանտերի տեղ խուցերը, անհաց, անջուր, և ամբողջ շաբաթներ սպասեցնել տալուց յետոյ, բոլորին միմեանց կապելով, քշում են, Աստուծո՛վ գիտէ, ուր... Կէսը տեղ չէ հասնում, հասնողներն էլ ամիսներից յետոյ, անսնունդ մնալուց կմախքներ են դառնում: Մարդ չէ կարող առանց արտասուքի նայել այդ թշուառների վրայ, որոնք առաջ են մղւում փոշու ամպի միջից տկլոր, ոտաբորբի... Մէկը եթէ նստել ուզենայ, միւսներն էլ նստելու են: Իսկ եթէ ուղեկցող ժանդարմը անխիղճ է...

Հալէպից այս կողմը, Գէփեյի-Ալթան խանի մօտ, ես տեսայ այդպիսի մի խումբ, որի մէկ անդամը ամառայ տօթին չգիմանալով՝ ուշաթափ ընկած էր, գոյնը սևացած, շրթունքները կապտած, աչքերի սևը կորսւած: Արթին էր անունը, Չմշկածակցի, 18 տարեկան: Այդ դրութեան մէջ նա պիտի հասնէր մինչև Չմշկածակ: Ո՞վ էր հոգացողը... Երկու ձիաւոր ոստիկանների համար միևնոյն էր, — թէկուզ երիտասարդը մեռնէր: Միւս քսուրականները աւելի լաւ դրութեան մէջ չէին, որ կարողանային օգնել: Մօտս մի շիշ կիտրոնի աղաջուր կար, դրի բերանը, աչքերը բաց արեց, պապական էր: Մի քիչ խմեց, կեանք առաւ, բայց ի՞նչ, վայրկենական զովութիւն... Վերջը, ընթերցող, հասկացիր...

Այո՛, «խաղաղութիւն» է այդ կողմերը: Խմբերով չեն կոտորում. մէկ-մէկ, դա «խաղաղութիւն» է... Փորձի համար անցէք գլխաւոր ճանապարհներից մէկով՝ Հեռուից

կը տեսնէք փոշու մէջ կորած խմբեր, 10-15 հայ, ծերունի և մանուկ և նրանց ետեից 1-2 ձիաւոր ոստիկաններ: «Հայդէ, թրէլի» — ուրիշ խօսք չունեն:

Երկու տարի սրանից առաջ մի այդպիսի խումբ էին տանում Ատանայից, Մարաշի վայրով, դեպի Խարբերդ: Բազարջիկից անցնելու միջոցին սկսում են ծեծել խնդ-ճերին, իսկ երբ հասնում են Աղ-Սու գետի կամրջին, նրանցից երեքին ջուրն են թափում: Եւ խնդիրը իրենց վրայ չծանրանալու համար, ոստիկանը յայտնում է Մարաշում, թէ երեք հայերը, իր զենքը խլելով, փախել են... Անցաւ սակայն մի քանի օր և Աղ-Սուի միջից մի դիակ հանեցին. մի քիւրդ եկաւ վկայելու, թէ ինքը տեսել էր, ինչպէս ոստիկանները հրացանի կոթերով զարկին ու ջուրը նետեցին հայերին: Բիւրդը բանտարկեց երկար ժամանակով...

Սրանք հրապարակ ելած իրողութիւններն են,—հարկւրաւոր նման ոճիրներ կատարում են աչքերից հեռու, մութ անկիւններում, ձորերի ու անտառների մէջ: Ինչե՛ր չեն անում Մարզուանի հրգեհի սարսափները, քանի՜ քանի տեղեր այդպիսի փորձեր են կատարւած, աչող կամ անյաջող...

«Յեղափոխականներ չկան, խաղաղութիւնը կատարեալ է»: Ողբալի՜ թիւրիմացութիւն... Տաճիկը վճռական ձայնով հրամայում է մեզ մենեւ և հրամանը ի գործ է դնում բոլոր կարելի ու անկարելի միջոցներով...

Ա Մ Ս Ա Լ ՈՒ Ր Ե Ր

Մեր խմբագրութիւնը եւրոպական մամուլին հաղորդեց հետեւեալ երկու հեռագիրները, ստացւած երկրից.

Կ. ՊՕԼԻՍ, 23 դեկտեմբերի
(Սօֆիայի վրայով)

Թիւրք կառավարութիւնը մոր միջոց է հմարել՝ հայերի դէմ կռուելու համար. Դիարբէքի շրջանում թիւրք երիտասարդների մէջ, կառավարչական գործակալների ջանքերով, կազմել են ամառակիւնների խմբեր, վաթսուփ էր վէր ամուսնով, որոնց յամծնարարւած է սպանել կասկածելի հայերին: Այդպէս՝ Ստեփանեան ամուսն հայր, որ մոր էր արծակել իր երեքամեայ բանտարկութիւնից, ամենամանկից կերպով խողովողեց, իր ընտանիքի հետ միասին, վաթսուփէրների ձեռքով: Այդ մորաստեղծ խմբերը սարսափ են տարածում ժողովրդի վրայ:

ՎԱՆ, 29 դեկտեմբերի
(Ուրմիայի վրայով)

Վիլայէթի իսլամ ազգաբնակչութիւնը զինուում է կառավարչական ջանքերով: Կարճկամի կողմնորում յայտնի արիւնալքու Մուսա բէկը մորակազմ ջանքերով գլուխ է մշակակաւ: Վերջինները բոլորքսման մշակմբ են ցոյց տալիս: Վանից Կառկառ ուղարկւած զօրքը ամառին զըրկամքներ պատճառեց խաղաղ ժողովրդին: Տուրքի հաւաքումը կատարւում է մամուլը չտեսնւած բռնութիւններ և ծեծով: Վերին-Կառկառում ծեծից 18 հոգի են հիւանդացել: Նոյնկիս զիւղում բռնարարւած են 5 կամայք: Հարստահարութիւնները չափ չ'ունեն:

*

Հայ Յեղ. Դաշնակցութեան Ամերիկայի կոմիտէների տարեկան Պատգամաւորական ժողովը հետեւեալ հետագիրն է ուղղել Միացեալ Նահանգների նախագահ Թէօդօր Բուզկէլին:

Մեծարգոյ տէր,

Հայ Յեղափոխական Դաշնակցութեան Ամերիկայի կոմիտէները տարեկան Պատգամաւորական ժողովի գումարւած

Պատերի մէջ, դեկտեմբեր 25, 26, 27, կը մատուցանեն ձեզի իրենց սրտագին շնորհաւորութիւնները ձեր յաղթական բնարութեանը համար Միացեալ Նահանգներու բարձրագոյն պաշտօնին, ինչպէս նաև իրենց անկեղծ գնահատումը այն համակրանքը ընդունելութեանը համար, որ ցոյց տւիք հայոց կաթողիկոսի պատգամաւորներուն, և ձեր պատգամաւորներն ու հրապարակաստեղծութիւններուն մէջ այն փութկոտ և երաբերունքին համար, որով մարդասիրական հարցանիշ մը դրիք այն ժողովուրդներու վիճակին հանդէպ, որոնք թշուառացած են թրքական զարհուրելի բռնակալութեան տակ: Թոյլ տւէք մեզի, պ. նախագահ, խնդրել և յուսալ, որ ձեռքի տակ եղած բոլոր օրինաւոր միջոցներով պիտի ջանաք ապահովել ամենամահաւոր բարենորոգումները, որ է կեանքի և պատւի ապահովութիւն անտէր, անպաշտպան հայերուն, որոնք թրքական ուժերին տակ ենթակայ են սխտեմութիւն բնաջնջելու: Մեր ժողովը մեծ յայտնի Միացեալ Նահանգներուն վրայ, իբր ազատութեան ակոյցանի, որոնց հայերը մեծ բան կը պարտին իրենց մտաւորական զարգացման և առաջագիմութեան համար և որոնք միշտ իրենց աչիւ և անշահախնդիր ձայնը բարձրացուցին ի նպաստ բռնակալութեան լուծին տակ առաւարդ ժողովուրդներուն:

Այդ հեռագիրն իբր պատասխան, արտաքին գործերի մինիստրութեան փոխ-քարտուղարը, պ. Լուիս, հետեւեալ նամակն է ուղարկել Հայ Յեղափոխական Դաշնակցութեան Պատգամաւորական ժողովի նախագահին.

Տէր,

«Նախագահը այս նախարարութեան յանձնած է անցեալ ամուս 27 թւակիր ձեր իրեն խրկած նամակը:

«Ի պատասխան, պարտիմ տեղեկացնել ձեզ, թէ Նախագահը իր շնորհակալութիւնը կը յայտնէ պատգամաւորական ժողովի կօմիտէներուն, անոնց շնորհաւորումներուն համար՝ իր բնարելուն առթիւ Միացեալ Նահանգներու Նախագահութեան և անոնց արտապայտած գնահատումին համար՝ իր հանրային այն գործերուն և ծառերուն, որոնք յայտարար են իր համակրութեանը հայ ժողովրդին»:

*

Վերջին հեռագիրը Պետերբուրգից հաղորդում է իշխան Գօլիցինի հրաժարականը, կամ աւելի ճիշդ հրաժարեցումը՝ կովկասեան կառավարչապետի պաշտօնից: Իբրև նրա յաջորդ, Պարիզի լրագիրները տալիս են հետեւեալ անունները՝ Մեծ իշխան Սերգէն, որ կը լինի նոր չարիք Վովկասի համար, իշխան Սվետոսլավ-Միրսկի, հրաժարուող ներքին գործերի մինիստրը, և իշխան Օլգեն-բուգի—երկուսն էլ անզօր դիմագրելու տիրող ռեժիմին:

*

Կաթողիկոսական պատգամաւորութիւնը, որ երկու մեծ հանրապետութիւնների նախագահների մօտ ընդունւելուց յետոյ գնաց Լոնդոն, Էտուարդ Թագաւորին ներկայանալու համար, վերադարձաւ Պարիզ, առանց իր նպատակին հասնելու: Անգլիական թագաւորը, ինչպէս իմացանք տեղեկ աղբիւրից, «քաղաքական նկատումներով» անյարմար է դատել այժմ ընդունել հայոց եկեղեցու պետի նւիրակներին: Պատգամաւորութիւնը մտադիր է մօտիկ ապագայում անցնել Հոսմ, Վիկտօր էմմանուէլին ներկայանալու համար:

*

Ամերիկայի Բօսթօն քաղաքում սկսեց հրատարակել անգլիերէն լեզուով, մի նոր ամսագիր, Armenia անունով նւիրած հայկական դատի պաշտպանութեան: Հաճելի է մեզ յուսալ, որ անդրադառնալով հայաստանի աշակցութեամբ նոր հրատարակութիւնը կը կարողանայ ոգևորութեամբ ծառայել ծրագրած նպատակին:

Ն Ի Ի Ր Ա Տ Ի Ո Ւ Թ Ի Ի Ն

ԱՐԵՒՄՑԵԱՆ ԲԻՒՐՈՆ ստացած է՝

Ռուսաստան. — «Դրամ» կոմիտեն 12,000 Ֆրանք:
Անգլի. — Լոնդոնի Ալպան կոմիտեն 53. Ֆր. 50 ստնտիմ:
Բուլգարիա. — Փիլիպի «Արամիան» կոմիտեն 100 Ֆրանք:
Համագումար 12,153 Ֆրանք 50 ստնտիմ:

ԲԱԼԱՆՍԱՆ ԿԵԳՐ. ԿՈՄԻՏԵՆ՝

Ռուսաստանի Կոմիտեն 1904 թ. ապրիլ, մայիս եւ յունիս ամիսներուն. —

Թ. քաղաքի խումբերէն՝ Անդրանիկ 21. 65 Ֆրանք, Սերոբ-Աղբիւր 17. 20, Հրայր 12. 35, Պատանի 3, Նիկոլայի 5 Ֆր.:
Ս-ի քաղաքի խումբերէն՝ Արարս 34 Ֆրանք, Կարին 30, Սեպուհ 31. 50, Վարագ 39, Սերոբ-Աղբիւր 27, Նոր-Ղար 42, Ղին. Գայլ 27, Ղին. Արամ 30, օժան. Նէմուլ 21, օժան. Հագուլ 47, օժան. Մասիս 41, օժան. Հինասէր 12, օժան. Տրդատ 21, օժան. Փէղայի 21, օժան. Տարօն 41, Ղին. Արարատ 28, Վարդան Մարգարեան 10, Հրմուրջէն ամսավճար 1903 ապրիլ 1-էն մինչեւ մարտ 31 ին 12, Թ. քաղաքէն 61. 20 Ֆր.: Գումար 1,189 Ֆրանք 45 ստնտիմ:

Կալաքի խումբերէն՝ Ժերմուհի 100 լէվ, Տարօն 50, Լիւծի 30, Ռոմ քաղաքի Ֆորշտեյի 40 լէվ: Պրայէլայի ենթակոմիտեն՝ Նեոնեալ խումբէն՝ Առիւծ 74 Ֆրանք, Գուրգէն 73, Տարօն 64, Ագուլ 76, Կարմիր Լեռ 70, Նիսար 65, Անդրանիկ 70. 85, Եփրատ 66, Թորոս 74 Ֆրանք:

Ռուսաստանի կոմիտեն՝ Արատի խումբէն 20 լէվ, Պետո խմբ. 50, Տէնօր խմբ. 93, Խանասոր խմբ. 28, Տիկանայ Սոփի խմբ. 14, Եաքէ խմբ. 8. 50, Վրէժ խմբ. 8, Հայկ Արմէն 5: Գումար 226. 50 լէվ:

Համագումար 2101. 50 Ֆրանք եւ 226. 50 լէվ:

ԺԱՅ ԿՈՄԻՏԵՆ՝

1904 թ. հոկտեմբերի 4-ից մինչեւ նոյեմբերի 6-ը. —

Նոյ. 38-ով Թորոս խմբ. 28 ուրբի, Նոյ. 39-ով Հաւէնի հանգ. միւս տոնավաճառ. Նոյ. 66 թերթ. 282, «Առատի» խմբերից՝ Կրակոտ 8. 50, Հայկազուն 16. 83, Ժլատի խմբերից՝ Պետո 14. 26, Ուկանայ 66, Բեռի 16. 70, Արարատ 17, Արարատի հանգ. եւ երկու ծեռք սպիտ. 9. 77, տիկ. Ե. եւ օր. Ն-ի եւ այլոց ծեռք. վիճակախաղ 388. 40, Մուրհակ խմբ. 50, Բուժարանի խմբերից 100, Վիճակախ. ապահով 2, Միւսից կնքած թերթով 10. 60 ուրբի: Գումար 1,401 ուրբի 5 կոպէկ:

ԱՊՐԱՍԻ ԿՈՄԻՏԵՆ՝

1904 թ. սեպտեմբերի 1-ից մինչեւ նոյեմբերի 1-ը. —

Ա. Գ. 10 ուրբի, Ս. Ի. 6, Ա. Ի. 6, Ե. Գ. 8, Եղ. Խ. 8, Մ. 8, 10, Ե. Ա. 3, Ե. Տ. Մ. 10, Ս. Ա. 10, Կ. Տ. Ա. 2. 2. Ս. 10, Մ. Ա. 6, Է. Բ. 4, Գ. Ս. 4, Ս. Տ. Գ. 3, Խ. Գ. 4, Ն. Գ. 2, Է. Գ. 3, Ա. Ս. 2, Մ. Ա. 2, Վ. Ե. 4, Եղ. Խ. 10, Է. Ա. 3, Ս-ի Բնիկ 1, Մ. Փ. 4, Խ. Գ. 6, Եղ. Վ. 10, Ն. 0. 4, Կ. Պ. 4, Եղ. Խ. 10, Մ. Խ. 4, Ա. Մ. 6, Ե. Մ. 6, Ս. եւ Ե. 4, Է. Գ. 2, Բ. Ս. 2, Բ. Ս. 2, Բ. Տ. Ս. 3, Մ. եւ Մ. 3, Ա. Գ. 2, Թ. Ս. 2, Ա. Պ. 10, Ա. 0. 4, Է. 1, Կ. 3, «Ս-կ» 4, Թ. Ե. 2, Է. Գ. 2, «Վ-սկի» 2, Ա. Պ. 2, Պ. Մ. Ա. 4, Գ. եւ Ա. 2, Է. Բ. 4, Ա. Ա. 2, Մ. Փ. 3, Դ. Գ. 4, Լ. Ե. 4, Ա. Ե. 4, Ա. Ս. 4, Մ. Ա. 2, Մ. եւ Մ. 6, Գ. Ե. 4, Գ. Մ. 2, Ն. Ե. 3, Թ. Գ. 2, Մ. եւ Տ. 3, «Լիոն» 2, Է. Ա. 2, Է. 2, Բ. Ա. 1, Դրացի 0. 60, Գ. եւ Եղ. 1, Ա. Ա. 1, Դ. Տ. Բ. 1, Ս. Պ. 1, Գ. Ա. 2, Մ. 2, Ե. Բ. 1, Եղ. Գ. 3, Տ. Մ. Ե. 1. 50, Ա. Խ. 3, Դ. Ա. 1, Գ. Մ. 3, Ս. Մ. 2, Ե. 3, Ս. Ա. 1. 50, Ե. Թ. 0. 50, Կ. Է. 1, Բ. Գ. 1, Բէկը 1, Վ. Ս. 1, Ե. Ա. 1, Բ. Է. 1, Ե. Տ. Մ. 2, Ա. Ա. 1, Ս. Ս. 1, Է. 1, Գ. Ե. 0. 50, Կ. Կ. 1, Մ. Ե. 1. 50, Ա. եւ Ս. 1, Գ. Ն. 3, Ս. Խ. 1, Դ. Ա. 20, Ե. Է. 10, Գ. Ե. 6, Ա. 0. 4, Տ. Մ. Գործ. 6, Տ. Մ. Ն. 20, Բլրազէն Գ. Անդրանիկ եւ Հրայր խմբերից 100, պր. Դուրիւ-ից 2000, Սեմ. երեկոյթից 47. 40, ամառ Համերգից 97, Հրայր խմբ. 11, Անդրանիկ խմբ. 27, Մարգան 25, Մագնիս եւ Սէր 60, Գործ խմբի Թում. Ի յիշատակին տւած 270, Նպատակ խմբ. 100, Դարս 10 ուրբի: Գումար 3,156 ուրբի 50 կոպէկ:

Ս. Բ.-ի ԿԵԳՐ. ԿՈՄԻՏԵՆ՝

1904 թ. փետրարի 1-ից մինչեւ հոկտեմբերի 1-ը. —

Նոյեմբ. 13՝ 4. 30 ուրբի, Նոյ. 14՝ 3. 20, Ն. 3՝ 5, Ն. 3՝ 2, Ն. 6՝ 33, Ն. 7՝ 5. 45, Ն. 8՝ 12, Ն. 13՝ 2. 3. 50, Ն. 13՝ 2. 55, Ն. 20՝ 5. 50, Ն. 16՝ 6, Ն. 12՝ 9, Ն. 7՝ 1. 75, Ն. 13՝ 2. 3. 70, Ն. 13՝ 2՝ 0. 40, Ն. 16՝ 1. 10, Ն. 3՝ 41. 70, Ն. 6՝ 22. 21, Ն. 30՝ Նոր մանուկ խմբ. 20, Հրաքուղի խմբ. 11, Նոյ. 17 խմբ. 10. 90,

Պահանջ խմբ. 5ին հաշիւ 39. 80, Հիզան Պայծառ խմբ. 15. 60, Կանանց Կարինէ խմբ. 21, Նոյ. 58 խմբ. 10, Նոյ. 60՝ 6, Հիզան Պայծառ խմբ. 5ին հաշիւ 28, Նոյ. 33 խմբ. 7. 20, Ն. 34 խմբ. 2. 40, Ն. 61 խմբ. 5, Ն. 41 խմբ. 4. 30, Ն. 42 խմբ. 2, Ն. 43՝ 1. 20, Ն. 17՝ 3. 10, Մեծ քաղ. աշակ. միւլ. 100, Կոփեցի Խէչզի միջոցով 10, Մեքենայից 10, հարսանիքից 3. 15, Կարինէ խմբի միջոցով 30, Նոյ. 62 խմբ. 3. 35, Կոռնիկ խմբ. Գուգարաց շրջանի միջոց. 33, Արշալոյս խմբ. 100, Ն. 12 խմբ. 6, Ն. 12՝ 2. 11, Ն. 17՝ 8. 50, Ն. 19՝ 3, Ն. 44՝ 1. 50, Ն. 45՝ 2. 19, Ն. 11՝ 5, Ն. 20՝ 5. 30, Ն. 15՝ 4. 50, Ն. 21՝ 54, Ն. 58՝ 5, Ն. 69՝ 7, Ն. 53՝ 4. 70, Ն. 52՝ 4. 70, Ն. 13՝ 3. 40, Ն. 63՝ 10, Մեքենայից 1. 50, Նոյ. 12 խմբ. 45, հանգանակ. թերթ Ն. 176՝ 5 ռ. (Հարունակի)

Տեղի սղութեամբ պատմաբանով ստիպեցանք «Դրոշակի» յառաջիկայ համարին յետաձգել հրատարակութիւնը Ոսկանապատի եւ Վասպուրականի Կ. կոմիտեներու, Ոսկանաքի, Նաւահանգստի կոմիտեներու եւ Սօփիայի հեթանոսութեան նկարագրութեամբ ցանկերուն:

Գ Լ Խ Ա Տ Ո Ւ Մ

Երկուշաբթի, դեկտեմբերի 5/18-ին, Խարբերդի մէջ, Կահիճեանի ձեռքով հրապարակով գլխաւեցին երկու հայ երիտասարդներ՝ սեբաստացի Յակոբ եւ Հ. Գարահիսարի Յակոբ Թէվէթ Էլեան, որոնք մեղադրուած էին մէկ քիւրդ աղայի եւ մէկ թիւրք ոստիկանի սպանութեան մէջ, Աւշանու: Երկու երիտասարդներն էլ Նահատակ եցին արիարար:

Տ Ե Ռ Օ Ր

Հ. 3. Դաշնակցութեամբ Վասպուրականի Կեմուրճեան կոմիտէի վճռով տեղորի ենթարկեցին՝

- 1) Լեղի գիւղի ուս Միւրօ, իր յանդուգն եւ համարձակ մատնութեամբ համար:
- 2) Փօլիս Միւրիւր, իր զազանային եւ դաւաճան գործերի համար:
- 3) Փօլիս Մուրադ Էֆէմտի, մատնիւ-լրտես Սերոբ-Աղբիւրի ժամանակ եւ ներկայումս էլ զաղտնի գործակալ Հայոց-Ձորում:

ՎԱՍՊՈՒՐԱԿԱՆԻ ԿԵՆՏՐ. ԿՕՄԻՏԵ

ՀԱՅ ՅԵՂ. ԴԱՇՆԱԿՑՈՒԹԵԱՆ ՀՐԱՏԱՐԱԿՈՒԹԵԱՄԲ

Լ Ո Յ Ս Տ Ե Ս Ա Ի

Է. ԱԿՆՈՒՆԻ

Գ Ի Պ Ի Կ Ռ Ի Ի

Բաղկացած 275 երեսից, ներառած եկեղեցական կալուածների յափշտակութեան եւ կովկասահայերի վերջին շարժումներին:

Գիմը եւրոպայում՝ 2 ֆրանկ, Ամերիկա՝ կէս դոլար կովկաս՝ 1 ռուբլի:

Դիմել «Դրոշակ» ի խմբագրութեան

Մեր խմբագրութեան հասցեն՝

Rédaction du «DROSCHEK», Genève (Suisse)